

www.banglainternet.com

MICHAEL MADHUSUDAN DUTT
Tilottamasambhav

তিলোত্তমাসম্ভব কাব্য

প্রথম সর্গ

ধবল নামেতে গিরি হিমালির শিরে—
অদ্ভভেনী, দেব-আত্মা, ভীষণদর্শন;
সতত ধবলাকৃতি, অচল,^১ অটল;
যেন উদম্ববাহু সনা, উদ্ভবেশধারী,
নিমগ্ন তপঃসাগরে বোমকেশ, শূলী—
যোগীকুলে ধ্যেয় যোগী!^২ নিকুঞ্জ, কানন,
তরুশ্রাজি, লতাবলী, মুকুল, কুসুম—
অন্যান্য অচলভালে শোভে যে সকল,
(যেন মরকতময় কনককিরীট)
না পরে এ গিরি, সবে করি অবহেলা,
বিমুখ পৃথিবীপতি পৃথ্বীসুখে যেন
জিতেদ্রিয়! সুনাদিনী বিহঙ্গিনীদল
সুনাদী বিহঙ্গ, অলি মত্ত মধুলোভে,
কতু নাহি ভ্রমে তথা। মৃগেন্দ্র কেশরী,
করীন্দ্র,—গিরীন্দ্রশরীর^৩ যাহার,—
শার্দূল, ভল্লুক, বনচর জীব যত—
বনকমলিনী কুরঙ্গিনী সুলোচনা,—
ফণিনী মণিকুন্তলা, বিধাকর ফণী,—
না যায় নিকটে তার—বিকট শেখর!
অদূরে ঘোর তিমির গভীর গহবরে,
কলকল করে জল মহাকোলাহলে,
ভোগবতী^৪ স্রোতস্বতী পাতালে যেমতি
কল্লোলিনী; ঘন স্বনে বহেন পবন,
মহাকোপে লয়রূপে তমোগুণাবৃত,
নিশ্বাস ছাড়েন যেন সর্বনাশকারী।
দানব, মানব, যক্ষ, রক্ষ, দানবারি,—

দানবী, মানবী, দেবী, কিবা নিশাচরী
সকলেরি অগম—দুর্গম দুর্গ যেন!
নিবানিশি মেঘরাশি উড়ে চারি দিকে,
ভূতনাথসঙ্গে রঙ্গে নাচে ভূত যেন।

এ হেন নির্জন স্থানে দেব-পুন্দর
কেন গো বসিয়া আজি, কহ পদ্মাসনা
বীণাপাণি? কবি, দেবি, তব পদাঙ্ক
প্রণমি, জিজ্ঞাসে তোমা, কহ, দয়াময়ি!
তব কৃপা-মন্দর দানব-দেব-বল,
শেষের অশেষ দেহ—দেহ এ দাসেরে;^৫
এ বাক্সাগর আমি মধি সমতনে,
লভি, মা, কবিতামৃত—নিরুপম সুধা!
অকিঞ্চনে কর দয়া, বিশ্ববিনোদিনি!
যে শশীর স্থান, মাতঃ, স্থাপুর ললাটে,^৬
তাহারি আভায় শোভে ফুলকুলদলে
নিশার শিশিরবিন্দু, মুক্তাফলরূপে!—
কহ, সতি,—কি না তুমি জান, জ্ঞানময়ি?—
কোথা সে ত্রিদিব, যার ভোগ লভিবারে
কঠোর তপস্যা নর করে যুগে যুগে,
কত শত নরপতি রত অশ্বমেধে—
সাগর বিপুলবংশ যে লোভেতে হত?^৭
কোথা সে অমরাপুরী কনকনগরী?
কোথা বৈজয়ন্ত-ধাম^৮ সুবর্ণ আলয়,
প্রভায় মলিন যার ইস্রু, প্রভাকর?
কোথা সে কনকাসন, রাজছত্র কোথা,
রবির পরিধি যেন মেরু-শৃঙ্গোপরি—

১ পর্বত। ২ যোগীকুলে ধ্যেয় যোগী: যোগীকুল ধ্যান করেন যে মহাযোগীকে অর্থাৎ মহাদেব।

৩ শ্রেষ্ঠ পর্বতের ন্যায় বিপুল সেহবিশিষ্ট। ৪ পাতালে প্রবাহিতা গঙ্গা।

৫ মন্দর পর্বতের মন্ডন-নগ, শেখনাগের দড়ি দিয়ে দানব-সেবে মিলে সমুদ্র বহন করেছিল। কবি সরস্বতীর কৃপারূপে
মন্দরের সাহায্য চাইছেন। আর প্রার্থনা করছেন দানব-দেবতার সম্মিলিত শক্তি এবং শেখনাগের অনন্ত সেহ। তিনি
বাক্সাগর বহন করে কাব্যরূপ অমৃত তুল্যকেন।

৬ স্থাপু অর্থাৎ মহাযোগী, নিবাতনিকম্প মহাদেবের ললাটে-শোভিত অর্ঘ্যস্তম্ভ।

৭ অশ্বমেধ যজ্ঞানুষ্ঠান করতে গিয়ে সগর রাজার খাট সহস্র পুত্র কপিল মুনির কোপে গ্রাণ হারায়। ৮ ইন্দ্রপুরী।

উভয় উজ্জ্বলতর উভয়ের তেজে?
 কোথা সে নন্দনবন, সুখের সদন?
 কোথা পারিজাত-ফুল, ফুলকুলপতি
 কোথা সে উর্বশী, রূপে ঋষি-মনোহরা,
 চিত্রলেখা—জগৎজনের চিত্তে লেখা,
 মিশ্রকেশী—যার কেশ, কামের নিগড়,
 কি অমরে, কিবা নরে, না বাঁধে কাহারে?
 কোথায় কিন্নর? কোথা বিদ্যাধরদল?
 গন্ধর্ব—মদনগর্ব ঋক যার রূপে?
 চিত্ররথ—কামিনীকুলের মনোরথ—
 মহারথী? কোথা বজ্র, ভীমপ্রহরণ!
 যার দ্রুত ইরশ্বদে^৯, গভীর গর্জনে,
 দেব-কলেবর কাঁপে করি থর থর;
 ভূধর অধীর সদা, চমকে ভুবন
 আতঙ্কে? কোথা সে ধনুঃ, ধনুঃকুলরাজা
 আভাময়, যার চারু-রত্ন-কান্তিছটা
 শোভে গো গগনশিরে (মেঘময় যবে)
 শিখিপুচ্ছচূড়া যেন স্রষ্টাকেশকেশে!^{১০}
 কোথায় পুষ্কর, আবর্তক-ধনেশ্বর?
 কোথায় মাতলি বলী? কোথা সে বিমান,
 মনোরথ পরাজিত যে স্বর্গের বেগে—
 গতি, ভাতি—উভয়েতে তড়িৎ লাক্ষিত?
 কোথায় গজেন্দ্র ঐরারত? উচ্চৈঃশ্রবঃ
 হয়েশ্বর, আশুগতি যথা আশুগতি?
 কোথায় পৌলোমী^{১১} সতী, অনন্ত-যৌবনা,
 দেবেন্দ্র-হৃদয়-সরোবর-কমলিনী,
 দেব-কুল-লোচন-আনন্দময়ী দেবী,
 আয়তলোচনা? কোথা স্বর্ণ কল্পতরু,
 কামদ বিধাতা যথা, যার পূত পদ
 আনন্দে নন্দনবনে দেবী মন্দাকিনী^{১২}
 ধেনু সদা প্রবাহিনী কলকল কলে?—
 হায় রে, কোথায় আজি সে দেববিভব!
 হায় রে, কোথায় আজি সে দেবমহিমা!

‘দুর্দান্ত দানবদল, দৈববলে বলী,
 পরাভবি সুরদলে ঘোরতর রণে,
 পুরিয়াছে স্বর্ণপুরী মহাকোলাহলে,

বসিয়াছে দেবাসনে পামর দেবারি।
 যথা প্রলয়ের কালে, রুদ্রের নিশ্বাস
 বাতময়, উথলিলে জল সমাকুল,
 প্রবল তরঙ্গদল, তীর অতিক্রমি,
 বসুধার কুন্তল হইতে লয় কাড়ি
 সুবর্ণকুসুম-লতা-মণ্ডিত মুকুট;—
 যে সূচ্যাক্ষ শ্যামঅঙ্গ ঋতুকুলপতি
 গাঁথি নানা ফুলমালা সাজান আপনি
 আদরে, হরে প্রাবন তার আভরণ।

সহস্রেক বৎসর যুদ্ধিয়া দানবারি,
 প্রচণ্ড দিতিজ^{১৩} ভূজ প্রতাপে তাপিত,
 ভঙ্গ দিয়া বিমুখ হইলা সবে রণে—
 আকুল! পাবক যথা, বায়ু যার সখা,
 সর্বভূক, প্রবেশিলে নিবিড় কাননে,
 মহাত্ম্যে উদর্ধ্বশ্বাসে পালায় কেশরী;
 মদকল নগদল,^{১৪} চঞ্চল সভয়ে,
 করভ^{১৫} করিবী ছাড়ি পালায় অমনি
 আশুগতি; মৃগাদন^{১৬} শার্দূল, বরাহ,
 মহিষ, ভীষণ ঋতু—অক্ষয় শরীরী,
 ভল্লুক বিকটাকার, দুরন্ত হিংসক
 পালায় ভৈরবরবে, ত্যজি বনরাজি;—
 পালায় কুরঙ্গ রঙ্গরসে ভঙ্গ দিয়া,
 ভূজঙ্গ, বিহঙ্গ, বেগে ধায় চারি নিকে;—
 মহাকোলাহলে চলে জীবন-তরঙ্গ,
 জীবনতরঙ্গ যথা পবনতাড়নে!

অব্যর্থ কুলিশে^{১৭} ব্যর্থ দেখি সে সমরে,
 পালাইলা পরিহরি সংগ্রাম কুলিশী^{১৮}
 পুরন্দর; পালাইলা পাশী^{১৯} দেখি পাশে
 প্রিয়মাণ, মত্তবলে মহোরগ^{২০} যেন!
 পালাইলা যক্ষনাথ^{২১} ভীম গদা ফেলি,
 করী যেন করহীন! পালাইলা বেগে
 বাতাকারে মৃগপৃষ্ঠে^{২২} বায়ুকুলপতি;
 জরজর-কলেবর, দুষ্টাসুর-শরে
 পালাইলা শিখি-পৃষ্ঠে শিখিবরাসন
 মহারথী;^{২৩} পালাইলা মহিষ বাহনে
 সর্বঅস্তকারী যম, দন্ত কড়মড়ি,

সাপটি প্রচণ্ড দণ্ড—ব্যর্থ এবে রণে।

পালাইলা দেবগণ রণভূমি ত্যজি;
 জয় জয় নাদে দৈত্য ভুবন পূরিল।
 দৈববলে বলী পাপী, মহা অহঙ্কারে
 প্রবেশিল স্বর্ণপুরী—কনক নগরী,—
 দেবরাজাসনে, মরি, দেবারি বসিল!
 হায় রে, যে রতির মৃণাল-ভূজপাশ,
 (শ্রেমের কুসুম-ডোর,) বাঁধিত সতত
 মধুসখে, স্বরহর-কোপানল যেন
 বিরহ-অনল রূপ ধরি মহাতাপে
 দহিতে লাগিল এবে সে রতির হিয়া।^{২৪}

সুন্দ উপসুন্দাসুর, সুরে পরাভবি,
 লও ভণ্ড করিল অখিল ভূমণ্ডল;
 ঠক্করখি ক্রোধানল পলি যেন জলে,
 জ্বালাইলা জলেস্থরে, নাশি জলচরে।^{২৫}
 তোমার এ বিধি, বিধি, কে পারে বুঝিতে,
 কিবা নরে, কি অমরে? বোধাগম্য ভূমি!

ত্যজি দেববলদলে দেবদলপতি
 হিমাচলে মহাবল চলিলা একাকী;—
 যথা পক্ষরাজ বাজ, নির্দয় কিরাত
 লুটিলে কুলায় তার পর্বত-কন্দরে,
 শোকে অভিমানে মনে প্রমাদ গণিয়া,
 আকুল বিহঙ্গ, ভূঙ্গ-গিরি-শৃঙ্গোপরি,
 কিয়া উচ্চশাখ বৃক্ষশাখে বসে উড়ি;—
 ধবল অচলে এবে চলিলা বাসব।
 বিপদের কালজাল আসি বেড়ে যবে,
 মহতজনভরসা মহত যে জন।
 এই সুরপতি যবে ভীষণ অশনি—
 প্রহারে^{২৬} চূর্ণিয়াছিল শৈল-কুল-পাথা
 হৈম, শৈলরাজসুত মৈনাক পশিলা
 অতলজলধিতলে—মান বাঁচাইতে।^{২৭}

যথা ঘোরতর বাত্যা, অস্থিরি নির্দোষে
 গভীর পয়োধি^{২৮} নীর, ধরি মহাবলে
 জলচর-কুলপতি মীনেন্দ্র তিমিরে,
 ফেলাইলে তুলে কূলে, মৎস্যনাথ তথা
 অসহায় মহামতি হয়েন অচল;
 অভিমানে শিলাসনে বসিলা আসিয়া
 জিহ্মু^{২৯}—আজিহ্মু গো আজি দানব-সংগ্রামে

দানবারি! মহারথী বসিলা একাকী;—
 নিকটে বিকট বজ্র, ব্যর্থ এবে রণে,
 কমল চরণে পড়ি যায় গড়াগড়ি,
 প্রচণ্ড আঘাতে ক্ষতশীর কেশরী
 শিখরী সমীপে যথা—ব্যথিত হৃদয়ে!
 কনক-নির্ধিত ধনু—রতন-মণ্ডিত,
 (কাদম্বিনী ধনী যারে পাইলে অমনি
 যতনে সীমন্তদেশে পরয়ে হয়বে)
 অনাদরে শোভে, হায়, পর্বতশিখরে,
 ধবল-ললাট-দেশ উজলি সুতেজে,
 শশিকলা উমাপতি-ললাট যেমতি।
 শূন্য ভূণ—বারিশূন্য সাগর যেমনি,
 যবে ঋষি অগস্ত্য শুধিলা জলদলে
 ঘোরে রোষে!^{৩০} শঙ্খ, যার নিনাদে আকুল
 দৈত্যকুল—করী-অরী-নিনাদে যেমতি
 করিবন্দ—নিরানন্দে সে এবে!
 হায় রে, অনাথ আজি ত্রিদিবের নাথ!
 হায় রে, পরিমাহীন পরিমা-নিধান!
 যে মিহির, তিমিরারি, কর-রত্ন-দানে
 ভূধেন রজনী-সখা, স্বর্ণতারাবলী,
 গ্রহরাশি,—রাহ আসি গ্রাসিয়াছে তাঁরে!

এবে দিনমণি দেব, মৃদু-মন্দ-গতি,
 অস্তাচলে চালাইলা স্বর্ণ-চক্ররথ,
 বিশ্রাম বিলাম আশে মহীপতি যথা
 সাজ করি রাজ্য-কার্য অবনীমণ্ডলে।
 শুখাইল নলিনীর প্রফুল্ল আনন,
 দুরূহ বিরহকাল কাল যেন দেখি
 সমুখে! মুদিল আঁখি ফুলকুলেশ্বরী।
 মহাশোকে চক্রবাকী অবাক হইয়া,
 আইলো তরঙ্গ কোলে ভাসি নেত্রনীরে,
 একাকিনী—বিরহিনী—বিষগ্নবদনা,
 বিধবা দুহিতা যেন জনকের গৃহে।
 মৃদুহাসি শশী সহ নিশি দিলা দেখা,
 তারাময় সিঁথি পরি সীমন্তে সুন্দরী;
 বন, উপবন, শৈল, জলাশয়, সরঃ,
 চন্দ্রিমার রজঃকান্তি কান্তিল সবারে।
 শোভিল বিমল জলে বিধুপরায়ণা
 কুমুদিনী; স্থলে শোভে বিশদবসনা^{৩০}(১)

৯ বজ্রাঘ্রি। ১০ ইন্দ্রধনু বা রামধনু। ১১ ইন্দ্রাঙ্গী। ১২ স্বর্ণপদ্ম। ১৩ দিতির পুত্র দানবগণ।
 ১৪ পর্বতপুঞ্জ। এখানে পর্বতপুঞ্জসদৃশ ছাতির দল বুঝিয়েছে। ১৫ যতিশাবক। ১৬ পশুনাশক।
 ১৭ বজ্র। ১৮ বজ্র বীর অস্ত্র, অর্থাৎ ইন্দ্র। ১৯ পাশ বীর অস্ত্র, অর্থাৎ বক্রম। ২০ ভীষণ সর্প।
 ২১ কুবের। ২২ বায়ু বা পবনসেবকের বাহন মৃগ। ২৩ শিখিপৃষ্ঠে...মহারথী—কার্তিক।

২৪ পৌরাণিক প্রসঙ্গ। কালিদাসের ‘কুমারসম্ভবে’র রতিবিলাপের কথা মনে করিয়ে দেয়।

২৫ পৌরাণিক বাড়বাগ্নির জন্ম-প্রসঙ্গ। ২৬ বজ্রাঘাতে। ২৭ উড়ন্ত মৈনাক পর্বতের ডানা কেটে দিয়েছিল ইন্দ্র।

২৮ সমুদ্র। ২৯ বিজয়ী। ৩০ অগস্ত্যের সমুদ্রস্রোতের পৌরাণিক কাহিনী। ৩০ (১) অচবসন-পরিহিতা।

ধুতুরা চির যোগিনী, অলি মধুলোভী
কতু না পরশে যারে। উতরিল ধীরে,
বিরাম-দায়িনী নিদ্রা—রজনীর সহী—
কুহকিনী স্বপ্নদেবী স্বজনীর সহ।
বসুমতী সতী তাঁর চরণকমলে,
জীবকুল লয়ে নমি নীরব হইলা।

আইলা রজনী ধনী ধবল-শিখরে
ধীরভাবে, ভীমা দেবী ভীম পাশে যথা
মন্দগতি। গেলা সতী কৌমুদীবসনা।
শিলাতলে দেবরাজ বিরাজেন যথা।
ধরি পাদপদ্মযুগ করপদ্মযুগে,
কৌদিয়া সাষ্টাঙ্গে দেবী প্রণাম করিলা
দেবনাথে। অশ্রু-বিন্দু, ইন্দ্রের চরণে,
শোভিল, শিশির যেন শতদল-দলে,
জাগান অরুণে সবে উষা সাজাইতে
একচক্ররথ, খুলি সুকমল-করে
পূর্বাশার হৈম দ্বার। আইলেন এবে
নিদ্রাদেবী, সহ স্বপ্ন-দেবী সহচরী,
পুষ্পদাম সহ, আহা, সৌরভ যেমতি!
মৃদু মন্দ গন্ধবহ-বাহনে আরোহি,
আসি উতরিল দোহে যথা বজ্রপাণি;
কিন্তু শোকাবুল হেরি দেবকুলনাথে,
নিঃশব্দে বিনতভাবে দূরে দাঁড়াইলা,
সুকিনরীবৃন্দ যথা নরেন্দ্র সমীপে
দাঁড়ায়,—উজ্জ্বল স্বর্ণপুতলীর দল।
হেরি অসুরারি দেবে শোকের সাগরে
মগ্ন, মগ্ন বিশ্ব যেন প্রলয়সলিলে—
কাঁদিতে কাঁদিতে নিশি নিদ্রা পানে চাহি,
সুমধুর স্বরে শ্যামা কহিতে লাগিলা:—

“হায়, সখি, এ কি দীলা খেলিলা বিধাতা?
দেবকুলেশ্বর যিনি, ত্রিদিবের পতি,
এই শিলাময় দেশ—অগম, বিজন,
ভয়ঙ্কর—মরি! এ কি সাজে লো তাঁহারে?
হায় রে, যে কল্পতরু নন্দনকাননে,
মন্দাকিনী তটিনীর স্বর্ণতটে শোভে
প্রভাময়, কে ফেলে লো উপাড়ি তাহারে
মরুভূমে? কার বুক না ফাটে লো দেখি
এ মিহিরে ডুবিতে এ তিমির-সাগরে!”

কহিতে কহিতে দেবী শর্করী^{৩১} সুন্দরী
কাঁদিয়া তারাকুন্তলা ব্যাকুলা হইলা!
শোকের তরঙ্গ যবে উথলে হৃদয়ে,
ছিন্ন-তার বীণা সম নীরব রসনা;—
অরে রে দারুণ শোক, এই তোর রীতি।

তনি যামিনীর বাণী নিদ্রাদেবী তবে
উত্তর করিলা সতী অমৃতভাষিনী,
মধুপানে মাতি যেন মধুকরীশ্বরী^{৩২}
মধুর গুঞ্জরে, আহা, নিকুঞ্জ পুরিলা;—
“যা কহিলে সত্য, সখি, দেখি বুক ফাটে;
বিধির নিকর্ব্বক কিন্তু কে পারে খণ্ডাতে?
আইস এবে, তুমি, আমি, স্বপ্নদেবী সহ,
কিঞ্চিৎ কালের তরে হরি, যদি পারি,
এ বিষম শোকশেল, যতন করিয়া।
ডাক তুমি, হে স্বজনি, মলয় পবনে;
বল তারে সুসৌরভ আত আনিবারে,
কহ তব সুধাংগুরে সুধা বরষিতে।
যাই আমি, যদি পারি, মুদি, প্রিয়সখি,
ও সহস্র আঁখি, মস্তবলে কি কৌশলে।
গড় ক স্বপ্নদেবী মায়ার পৌলোমী—
মৃগাঙ্গী,^{৩৩} নীবরতনী,^{৩৪} সুবিশ্ব-অধরা,
সুশোভিত কবরী-মন্দারে, কুশোদরী;
বেড় ক দেবেশ্রে সৃষ্টি মায়ার নন্দন;
মায়ার উর্ব্বশী আসি, স্বর্ণবীণা করে,
গায়ক মধুর গীত মধু পঞ্চস্বরে;
রুভা-উরু রজা আসি নাচুক কৌতুকে।
যে অবমি, নলিনীর বিরহে কাতর,
নলিনীর পখা আসি নাহি দেন দেখা
কনক উদয়াচল-শিখরে উজ্জলি
দম দিশ, হে স্বজনি, আইন তোমা দোহে,
সাধিতে এ কার্য মোরা করি প্রাণপণ।”

তবে নিশি, সহ নিদ্রা স্বপ্ন কুহকিনী,
হাত ধরাধরি করি, বেড়িলা বাসবে—
সুবর্ণ চম্পকদাম গাঁথি যেন রতি
দোলাইলা প্রাণপতি মদনের গলে!
ধীরভাবে দেবীদল, বেড়িয়া দেবেশে,
যার যত তন্ত্র, মন্ত্র, ছিটা, ফোঁটা ছিল,
একে একে লাগাইলা; কিন্তু দৈবদোষে,

বিফল হইল সব; যামিনী অমনি,
চঞ্চল বিশ্বয়ে দেবী, মৃদু, কলস্বরে,—
একাকিনী, সুনাদিনী কপোতী যেমতি
কুহরে নিবিড় বনে—কহিতে লাগিলা:—

“কি আশ্চর্য্য, প্রিয়সখি, দেখিলাম আজি!
কেবা গিনে ত্রিভুবনে আমা তিন জনে?
চিরবিজয়িনী মোরা যাই লো যে স্থলে!
সাগর মাঝারে, কিবা গহন বিপিনে,
রাজসভা, রণভূমে, বাসরে, আসরে,
কারাগারে, দুঃখ, সুখ, উভয় সদনে,
করি জয় স্বর্গে, মর্ত্যে, পাতালে, আমরা;
কিন্তু সে প্রবল বল বৃথা হেথা এবে।”

তনি স্বপ্নদেবী হাসি—হাসে শশী যথা—
কহিলা শ্যামা স্বজনী রজনীর প্রতি;
“মিছে খেদ কেন, সখি, কর গো আপনি?
দেবেশ্বরমণী ধনী পুলোমদুহিতা
বিনা, আর কার সাধ্য নিবাইতে পারে
এ জ্বলন্ত শোকানল? যদি আজ্ঞা দেহ,
যাই আমি আনি হেথা সে চাকুহাসিনী।
হায়, সখি, পতিহীনা কপোতী যেমতি,
তরুণ, শৃঙ্গার সমীপে, বিলাপি
চাহে কান্তে সীমন্তিনী, বিরহবিধুরা,
আন্তি-দুঃখী সহ সতী ভ্রমেন জগতে,
শোকে! তন মন দিয়া, রজনী স্বজনি,
যদি আজ্ঞা কর তবে এখনি যাইব।”
যাও বলি আদেশিলা শশাঙ্করঙ্গিনী।
চলিলা স্বপ্নদেবী নীলাবর-পথে—
বিমল তরলতর রূপে আলো করি
দশ দিশ; আশুগতি গেলা কুহকিনী,
ভূপতিত তারা যেন উঠিল আকাশে।

গেলা চলি স্বপ্নদেবী মায়ারী সুন্দরী
দ্রুতবেগে; বিভাবরী নিদ্রাদেবী সহ
বসিলা ধবল শৃঙ্গে; আহা, কিবা শোভা!
যুগল কমল, যেন জগৎ মোহিতে,
ফুটিল এক মৃগালে ক্ষীর-সরোবরে!
ধবল শিখরে বসি নিদ্রা, বিভাবরী
আকাশের পানে দোহে চাহিতে লাগিলা,
হায় রে, চাতকী যথা সতৃষ্ণ নয়নে
চাহে আকাশের পানে জলধারা-আশে!

আচরিতে পূর্বভাগে গগনমণ্ডল
উজ্জ্বলিল, যেন দ্রুত পাবকের শিখা,
ঠেলি ফেলি দুই পাশে তিমির-তরঙ্গ,
উঠিল অধর-পথে; কিবা ত্রিষাম্পতি^{৩৫}
অরুণ সারথি সহ স্বর্ণচক্র রথে
উদয় অচলে আসি দরশন দিলা।
শতক যোজন বেড়ি আলোক-মণ্ডল
শোভিল আকাশে, যেন রঞ্জনের ছটা
নীলোৎপল-দলে, কিবা নিকষে যেমতি
সুবর্ণের রেখা-লেখা বক্র চক্ররূপে।
এ সুন্দর প্রভাকর পরিধি মাঝারে,
মেঘাসনে বসি ওগো কোন্ সতী ওই?
কেমনে, কহ, মা, শ্বেতকমলবাসিনি,
কেমনে মানব আমি চাব ওঁর পানে?
রবিচ্ছবি পানে, দেবি, কে পারে চাহিতে?
এ দুর্বল দাসে কর তব বলে বলী।

চরণ যুগল শোভে মেঘবর-শিরে,
নীল জলে রক্তোৎপল প্রফুল্লিত যথা,
কিবা মাধবের বুক কৌতুভ রতন।
দশ চন্দ্র পড়ি রে রাজীব^{৩৬} পদতলে,
পূজা ছলে বসে তথা-সুখের সদন।
কাঞ্চন-মুকুট শিরে—দিনমণি তাহে
মণিরূপে শোবে ভানু; পৃষ্ঠে মন্দ দোলে
বেণী,—কামবধু রতি যে বেণী লইয়া
গড়েন নিগড় সদা বাধিতে বাসবে!
অনন্ত যৌবন দেব, বসন্তত যেমনি
সাজায় মহীর দেহ সুমধুর মাসে,
উল্লাসে ইন্দ্রাণী পাশে বিরাজে সতত
অনুচর, যোগাইয়া বিবিধ ভূষণ!
অলিপঙ্ক্তি,—রতিপতি-ধনুকের গুণ,—
সে ধনুরাকার ধরি বসিয়াছে সুখে
কমল নয়ন-যুগোপরি, মধু আশে
নীরব!—হায় রে মরি! এ তিন ভুবনে
কে পারে ফিরাতে আঁখি হেরি ও বদন!
পদ্মরাগ-খচিত, পঙ্কজের গর্ভ সম
পটবস্ত্র; সু-অঞ্চলে জ্বলে রত্নাবলী,
বিজলীর ঝলা যেন অচঞ্চল সদা!
সে আঁচল ইন্দ্রাণীর পীনস্তনোপরি
ভাতে, কামকেতু যথা যবে কামসখা

বসন্ত, হিমাক্তে, তারে উড়ায় কৌতুকে!
ভুবনমোহিনী দেবী, বসি মেঘাসনে,
আইলা অম্বরপথে মৃদুমধগতি,—
নীলাধু সাগর-মুখে নীলোৎপল-দলে
যথা রমা সুকেশিনী কেশবাসনা,
সুরাসুর মিলি যবে মথিলা সাগরে!^{৩৭}
হায়, ও কি অশ্রু কবি হেরে ও নয়নে?
অরে রে বিকট কীট, নিদারুণ শোক,
এ হেন কোমল ফুলে বাসা কি রে তোর—
সর্বভুত সম, হায়, তুই দুরাচার
সর্বভুত? শূন্যমার্গে কাদেন বিষাদে
একাকিনী স্বরীশ্বরী!^{৩৮} চল, ঘনপতি!^{৩৯}
ঘন-কুলোত্তম তুমি, উড় দ্রুতবেগে।
তুমি হে গন্ধমাদন, তোমার শিবরে
ফলে সে দুর্লভ স্বর্ণলতিকা, পরশে
যাহার, শোকের শক্তি-শেলাঘাত হতে
লভিবেন পরিভ্রাণ বাসব সুমতি!^{৪০}

আইলা পৌলোমী সতী মেঘাসনে বসি,
তেজোরশি-বেষ্টিতা; নাদিল জলধর;
সে গভীর নাদ শুনি, আকাশসম্ভবা
প্রতিধ্বনি সপুলকে বিস্তারিলা তারে
চারি দিকে; কুঞ্জবন, কন্দর, পর্বত,
নিবিড় কানন, দূর নগর, নগরী,
সে স্বর-তরঙ্গ রঙ্গে পূরিল সবারে।
চাতকিনী জয়ধ্বনি করিয়া উড়িল
শূন্য পথে, হেরি দূরে প্রাণনাথে যথা
বিরহবিধুরা বালা, ধায় তার পানে।
নাচিতে লাগিল মত্ত শিখিনী সুধিনী;
প্রকাশিল শিখী চাকু চন্দ্রক-কলাপ;
বলাকা, মালায় গাঁথা, আইলা তুরিতে
ঘুড়িয়া আকাশপথ; সুবর্ণ কন্দলী—
ফুলকুলবধু সতী সদা লজ্জাবতী,
মাথা তুলি শূন্যপানে চাহিয়া হাসিল;
গোপিনী শুনি যেমনি মুরলীর ধ্বনি,
চাহে গো নিকুঞ্জপানে, যবে ব্রজধামে
দাঁড়ায়ে কদম্বমূলে যমুনার কূলে,
মৃদুস্বরে সুন্দরীরে ডাকেন মুরারি।^{৪১}

ঘনাসন ত্যজি আশু নামিলা ইন্দ্রাণী
ধবলের পদদেশে। এ কি চমৎকার?
প্রভাকীর্ণ, তেজোময় কনকমণ্ডিত
সোপান দেখিলা দেবী আপন সম্মুখে—
মণি মুক্তা হীরক খচিত শত সিঁড়ি
গড়ি যেন বিশ্বকর্মা স্থাপিলা সেখানে।
উঠিলেন ইন্দ্রপ্রিয়া মৃদু মন্দ গতি
ধবল শিখরে সতী। আচম্বিতে তথা
নয়ন-রঞ্জন এক নিকুঞ্জ শোভিল।
বিবিধ কুসুমজাল, স্তবকে স্তবকে,
বনরত্ন, মধুর সস্বহ, স্বরধন
বিকশিয়া চারি দিকে হাসিতে লাগিল—
নীল নভস্তলে হাসে তারাদল যথা।
মধুকর-নিকর আনন্দধ্বনি করি
মকরন্দ^{৪২}-লোভে অকু আসি উত্তরিলা;
বসন্তের কলকণ্ঠ গায়ক কোকিল
বরষিলা স্বরসুধা; মলয় মারুত—
ফুল-কুল-নায়ক প্রবর সমীরণ—
প্রতি অনুকূল-ফুল-শ্রবণ-কুহরে
প্রেমের রহস্য আসি কহিতে লাগিলা;
ছুটিল সৌরভ যেন রত্নের নিশ্বাস,
মনাথের মন যবে মথেন কামিনী
পাতি প্রণয়ের ফাঁদ প্রণয়কৌতুকে
বিগলে! বিশাল তরু, ব্রততী^{৪৩}-রমণ,
মঞ্জরিত ব্রততীর বাহুপাশে বাঁধা,
দাঁড়াইল চারি দিকে, বীরবৃন্দ যথা;
শত শত উৎস, ব্রজস্রোতের আকারে
উঠিয়া আকাশে, মুক্তাফল কলরবে
বরষি, আদ্রিল অচলের বক্ষঃস্থল।
সে সকল জলবিন্দু একত্র মিশিয়া,
সৃজিল সত্ত্ব এক রম্য সরোবর
বিমল-সলিল-পূর্ণ; সে সরে হাসিল
নলিনী, ভূমিগয়া ধনী তপন-বিরহ
ক্ষণকাল! কুমুদিনী, শশাঙ্ক-রঞ্জিনী,
সুখের তরঙ্গে রঙ্গে ফুটিয়া ভাসিল!
সে সরোদর্পণে তারা, তারানাথ সহ,
সুতরল জলদলে কান্তি বজতেজে,

শোভিল পুলকে—যেন নূতন গগনে!
অবিলম্বে শঙ্করারি^{৪৪}-সখা ঋতুপতি
উত্তরিলা সজ্জাষিতে ত্রিদিবের দেবী।—
কার সঙ্গে এ কুঞ্জের দিব রে তুলনা?
প্রাণপতি সহ রতি ভুঞ্জে রতি যথা,
কি ছার সে কুঞ্জবন এ কুঞ্জের কাছে।
কালিন্দী আনন্দময়ী তটিনীর তটে
শোভে যে নিকুঞ্জবন—যথা প্রতিধ্বনি,
বংশীধ্বনি শুনি ধনী—আকাশদুহিতা—
শিখে সদা রাধানাম মাধবের মুখে,
এ কুঞ্জের সহ তার তুলনা না খাটে।^{৪৫}
কি কহিবে কবি তবে এ কুঞ্জের শোভা?
প্রমদার পাদপদ্ম-পরশে অশোক
সুখে প্রসূনের^{৪৬} হার পরে তরুণর;
কামিনীর বিধুমুখ-শীধু^{৪৭}-সিক্ত হলে,
বকুল, ব্যাকুল তার মন রঞ্জাইতে,
ফুল-আভরণে ভূষে আপনার বপু
হরষে, নাগর যথা প্রেমলাভ আশে;—
কিন্তু আজি ধবলের হের বাজি-খেলা।
অরে রে বিজন, বক্ষ্য, ভয়ঙ্কর গিরি,
হেরি এ নারীশু-পদ অরবিন্দ-যুগ,
আনন্দ-সাগর-নীরে মজিলি কি তুই!
স্বরহর দিগম্বর, স্বর-প্রহরণে,
হৈমবতী-সতী-রূপ-মাধুরী দেখিয়া,
মাতিলা কি কামমদে তপ যাগ ছাড়ি?
তাজি ভস্ম, চন্দন কি লেপিয়া দেহেতে?
ফেলি দূরে হাড়মালা, রত্ন কণ্ঠমালা
পরিলা কি নীলকণ্ঠে, নীলকণ্ঠ তব?^{৪৮}—
ধন্য রে অঙ্গনাকুল, বলিহারি তোরে!
প্রবেশিলা কুঞ্জবনে পৌলোমী সুন্দরী;
অলিকুল ঋতুরিয়া ঝাঁকে ঝাঁকে উড়ি
মকরন্দ-গন্ধে যেন আকুল হইয়া,
বেড়িল বাসব-হৃৎ-সরসী-পশ্বিনীরে,
স্বর্গের লভিতে সুখ স্বর্ণপুরী যথা
বেড়ে আসি দৈত্যদল! অদূরে সুন্দরী
মনোরম পথ এক দেখিলা সম্মুখে।
উভয় পারশে শোভে দীর্ঘ তরুরাজী,

মুকুলিত-সুবর্ণ-লতিকা-বিকৃষিত,
বীর-দেহে শোভে যথা কনকের হার
চকমকি! দেবদারু-শৈলশৃঙ্গ যথা
উচ্চতর; লতাবধু-লালসা রসাল,
রসের সাগর তরু; মৌল-মধুদ্রুম;
শোভাজন—জটীধর যথা জটীধর
কপকী^{৪৯}; বদরী^{৫০}—যার স্নিগ্ধ তলে বসি,
বৈপায়ন, চিরজীবী যশঃসুধা পানে,
কহেন মধুর স্বরে, ভুবন মোহিয়া,
মহাভারতের কথা! কদম্ব সুন্দর—
করি চুরি কামিনীর সুরভি নিশ্বাস
দিয়াছে মদন যার কুসুম-কলাপে,^{৫১}
কেন না মন্থাথ-মন মথেন যে ধনী,
তার কুচাকার ধরে সে ফুল-রতন!
অশোক-বৈদেহি, হায়, তব শোকে, দেবি,
লোহিত বরণ আজু প্রসূন যাহার
যথা বিলাপীর আঁখি! শিমূল—বিশাল
বৃক্ষ, ক্ষত-দেহ যেন রণক্ষেত্রে রথী
শোণিতর্দ্র! সুইঙ্গুদী, তপোবনবাসী
তাপস; শলুমলী; শাল; তাল, অত্রভেদী
চূড়াধর; নারিকেল, যার স্তনচয়
মাতৃদুগ্ধসম রসে তোয়ে তৃষাতুরে!
গুবাক; চালিতা; জাম, সুভ্রমররূপী
ফল যার; উর্দ্ধশির তেঁতুল; কাঁঠাল,
যার ফলে স্বর্ণকণা শোভে শত শত
ধনদের গৃহে যেন! বংশ, শতচূড়,
যাহার দুহিতা বংশী, অধর-পরশে,
গায় রে ললিত গীত সুমধুর স্বরে!
খজুর, কুঞ্জীরনিভ ভীষণ মুরতি,
তবু মধুরসে পূর্ণ! সত্যত থাকে রে
সুগুণ কুদেহে ভবে বিধির বিধানে!
তমাল-কালিন্দীকূলে যার ছায়াতলে
সরস বসন্তকালে রাধাকান্ত হরি
নাচেন যুবতী সহ!^{৫২} শমী—বরাদ্রনা,
বন-জ্যোৎস্না! আমলকী-বনস্থলী-সখী;
গাভারী—রোগান্তকারী যথা ধনুস্তরি—
দেবতাকুলের বৈদ্য! আর কব কত?

৩৭ সমুদ্র-মহুনের উল্লেখ। ৩৮ স্বর্গের রানী। ৩ মেঘশ্রেষ্ঠ।

৪০ রামায়ণে বর্ণিত বিশালকরগীযোগে শক্তিপেলবিন্দু লক্ষণের জীবনপ্রাপ্তি-কাহিনীর উল্লেখ।

৪১ ব্রজলীলার উল্লেখ। ৪২ মধু। ৪৩ লতা।

৪৪ কামদেব। ৪৫ ব্রজলীলার উল্লেখ। ৪৬ প্রসূন—ফুল। ৪৭ শীধু—মধু, ইন্দুরসজাত মদ্য।

৪৮ কামরূপে মহাদেবের তপোভঙ্গের কথা। পৌরাণিক প্রসঙ্গ। 'কুমারসম্ভব'র প্রভাব আছে।

৪৯ মহাদেব। ৫০ কুল। ৫১ কুসুম-কলাপে—পুষ্পভূষণে। ৫২ ব্রজলীলার উল্লেখ।

চলিলা-দেব-কামিনী মরাল-গামিনী;
রুণরুণ ধনি করি কিঙ্কণী বাজিল;
তনি সে মধুর বোল তরঙ্গদল যত,
রতিভ্রমে পুষ্পাঞ্জলি শত হস্ত হতে
বরষি, পূজিল স্বক্কে রাজা পা দুখানি।
কোকিল কোকিলা সহ মিলি আরঙিল
মদন-কীর্তন-গান; চলিলা রূপসী—
যেখানে সুরাভাপন অর্পিতা ললনা,
কোকনদফুল ফুটি শোভিল সেখানে!

অদূরে দেখিলা দেবী অতি মনোহর
হৈম, মরকতময়, চাকু সিংহাসন;
তাহার উপরে তরু-শাখাদল মিলি,
আলিঙ্গিয়া পরস্পরে, প্রসারে কৌতুকে,
নবীন পল্লবছত্র, প্রবালে ষচিত,
বেষ্টিত মাণিকরূপী মুকুলঝালরে;
সুগুণীতাম্বর^{৫৩} শিরে অনন্ত যেমতি
(ফণীন্দ্র) অমৃত ফণা ধরেন যতনে।
চারি দিকে ফুটে ফুল; কিংকক, কেতকী,
অর-প্রহরণ^{৫৪} উভে; কেশর সুন্দর—
রতিপতি করে যারে ধরেন আদরে,
ধরেন কনকদণ্ড মহীপতি যথা;
পাটলি—মদন-ভূপ, পূর্ণ ফুল-শরে;
মাধবিকা—যার পরিমল-মধু-আশে,
অনিল উন্মত্ত সদা; নবীনা মালিকা—
কানন-আনন্দময়ী; চাকু গন্ধরাজ—
গন্ধের আকর, গন্ধ-মাদন যেমতি;
চম্পক—যাহার আভা দেবী কি মানবী,
কে না লোভে ত্রিভুবনে? লোহিতলোচনা
জবা—মহিষমর্দিনী আদরেন যারে;
বকুল—আকুল অলি যার সুসৌরভে;
কমল—যাহার কান্তি দেখি, সুখে মজি,
রতির কুচ-যুগল গড়িলা বিধাতা;
রজনীগন্ধা—রজনী-কুন্তল-শোভিনী,
শ্বেত, তব শ্বেতভূজ যথা, শ্বেতভূজে!
কর্ণিকা—কোমল উরে^{৫৫} যাহার বিনাসী
(তপন-তাপেতে তানী) শিলীমুখ, ^{৫৬} সুখে
লভে সুবিরাম, যথা বিরাজেন রাজা

দুপট্ট-শয়নে; হায়, কর্ণিকা অভাগা
বরবর্ণ বৃথা যার সৌরভ বিহনে,
সতীত্ব বিহনে যথা যুবতীযৌবন!
কামিনী—কামিনী-সখী, বিশদ-বসনা
ধূতুরা—যোগিনী যথা, কিন্তু রতি-দুতী,
রতি কাম সেবায় সতত ধনী রত!
পলাশ—প্রবালে গড়া কুণ্ডলের রূপে
ঝলকে যে ফুল বনস্থলী-কর্ণ মূলে;
তিলক—ভবানী-ভালে শশিকলা যথা
সুন্দর! সুমুকা—যার চাকু মূর্তি গড়ি
সুবর্ণে, প্রমদা কর্ণে, পরে মহাদরে!—
আর আর ফুল যত কে পারে বর্ণিতে?

এ সব ফুলের মাঝে দেখিলা রূপসী
শোভিছে অঙ্গনাকুল, ফুলকুচি হরি,
রূপের আভায় আলো করি বনরাজী;—
পর্বতদুহিতা সবে—কনক-পুতলী,
কমলবসনা, শিরে কমলকিরীট,
কমল-ভূষণা, কমলায়ত-নয়না,
কমলময়ী যেমনি কমল-বাসিনী
ইন্দ্রিরা!^{৫৭} কাহার করে হৈম ধূপদান,
তাহে পুড়ি গন্ধরস, কুন্দুর, অণ্ডুর,
গন্ধামোদে আমোদিছে সুবিকুলবন,
যেন মহাব্রতে ব্রতী বসুন্ধরা-পতি
ধবল, ভূধরেশ্বর! কার হাতে শোভে
স্বর্ণথালে পাদ্য অর্ঘ্য; কেহ বা বহিছে
মণিময় পায়ে ভরি মন্মাকিনী-বারি,
কেহ বা চন্দন, চূয়া, কস্তুরী, কেশর,
কেহ বা মন্দারদাম^{৫৮}—তারাময় মালা!
মৃদঙ্গ বাজায় কেহ রঙ্গরসে ঢলি;
কোন ধনী, বীণাপাণি-গঞ্জিনী, পুলকে
ধরি বীণা, বরিষিছে সুমধুর ধনি;
কামের কামিনী সমা কোন বামা ধরে
রবাব, সঙ্গীত-রস-রসিত অর্ণব;^{৫৯}
বাজে কপিনাশ—সুখনাশ যার রবে;
সগুহরা, সুমন্দিরা, আর যত যত;—
তমুরা—অধরপথে গঞ্জীরে যেমতি
গরজে জীমূত,^{৬০} নাচাইয়া ময়ূরীয়ে।

দেখিয়া সতীরে, যত পার্বতী যুবতী,^{৬১}
নৃত্য করি মহানন্দে গাইতে লাগিলা,
যথা যবে, আশ্বিন, হে মাস-বংশ-রাজা,
আন তুমি গিরি-গৃহে গিরীশ-দুহিতা
গৌরী, গিরিরাজ-রাণী মেনকা সুন্দরী,
সহ সহচরীগণ, তিতি নেত্রনীয়ে,
নাচেন গায়েন সুখে!^{৬২} হেরিয়া শচীরে
অচিরে পার্বতীদল গীত আরঙিলা।

“সাগত, বিধুবদনা, বাসব-বাসনা!
অমরাপুরী-ঈশ্বরী! এ পর্বত-দেশে
সাগত, ললনা, তুমি! তব দরশনে,
ধবল অচল আজি অচল হরষে!
শৈলকুল-শত্রু শত্রু,^{৬৩} তব প্রাণপতি;
কিন্তু যুধনাথ যুধে যুধনাথ সহ—
কেশরী কেশরী সঙ্গে যুদ্ধ-রঙ্গে রত।
আইস, হে লাভ্যবতি, দুহিতা যেমতি,
আইসে নিজ পিত্রালয়ে নির্ভয় হৃদয়ে,
কিন্তু বিহঙ্গিনী যথা বিপদের কালে,
বহুবাহ তরু-কোলে! যার অন্বেষণে
ব্যগ্র তুমি, সে রতনে পাইবা এখনি—
দেখ তব পুণ্ডরকে ওই সিংহাসনে!”
নীলবিলা নগাবালদল, অরবিন্দ-
ভূষণা ^{৬৪} সমুখে দেবী কনক-আসনে,
নন্দনকাননে যেন দেখিলা বাসবে।
অমনি রমণী, হেরি হৃদয়-রমণে,
চলিলা দেবেশ-পাশে সত্বর-গামিনী,
শ্রেম-কৃত্তহলে; যথা বরিষার কালে,
শৈবলিনী,^{৬৫} বিরহ-বিধুরা, ধায় বড়ে
কল কল কলরবে সাগর উদ্দেশে,
মজিতে শ্রেমতরঙ্গ-রঙ্গে তরঙ্গিনী।

যথা তনি চিত্ত-বিনোদিনী বীণাধারি,
উল্লাসে ফণীন্দ্র জাগে, তনিয়া অদূরে
পৌলোমীর পদ-শব্দ—চির পরিচিত—
উঠিলেন শচীপতি শচী-সমাগমে!
উন্মীলিলা আখণ্ডল^{৬৬} সহস্র লোচন,
যথা নিশা-অবসানে মানস-সুসর:

উন্মীলে কমল-কুল; কিম্বা যথা যবে
রজনী শ্যামাঙ্গী ধনী আইসে মৃদুগতি,
খুলিয়া অমৃত আঁখি গগন কৌতুকে
সে শ্যাম বদন হেরে—ভাসি শ্রেম-রসে!
বাহু পসারিয়া দেব ত্রিদিবের পতি
বাঁধিলা প্রণয়পাশে চাকুহাসিনীরে
যতনে, রতনাকর শশিকলা যথা,
যবে ফুল-কুল-সখী হৈমময়ী উষা
মুক্তাময় কুণ্ডল পরান ফুলকূলে!

“কোথা সে ত্রিদিব, নাথ?”—ভাসি নেত্রনীয়ে
কহিতে লাগিলা শচী—“দারুণ বিধাতা
হেন বাম মোর প্রতি কিসের কারণে?
কিন্তু এবে, হে রমণ, হেরি বিধুমুখ,
পাশরিল দাসী তার পূর্বদুঃখে যত!
কি ছার সে স্বর্ণ? ছাই তার সুখভোগে!
এ অধিনী সুখিনী কেবল তব পাশে!
বাঁধিলে শৈবলব্দ সরের শরীর,
নলিনী কি ছাড়ে তারে? নিদাঘ যদিপি
তথায় সে জল, তবে নলিনীও মরে!
আমি হে তোমারি, দেব!”—কাঁদিয়া কাঁদিয়া,
নীলবিলা চন্দ্রাননা অশ্রুস্রব আঁখি;—
চুইলা সে সাক্ষ আঁখি দেব অসুরারি
সোহাগে,—চুষয়ে যথা মলয়-অনিল
উজ্জ্বল শিশির-বিন্দু কমল-লোচনে!
“তোমারে পাইলে, প্রিয়ে, স্বর্ণের বিরহ
দূরহ কি ভাবে কত তোমার কিঙ্কর?
তুমি যথা, স্বর্ণ তথা!”—কহিলা সুবরে,
বাসব, হরষে যথা গরজে কেশরী
কৃশোদর, হেরি বীর পর্বত-কন্দরে
কেশরিনী কামিনীরে;—কহিলা সুমতি,—
“তুমি যথা, স্বর্ণ তথা, ত্রিদিবের দেবি!
কিন্তু, প্রিয়ে, কহ এবে কুশল বারতা!
কোথা জলনাথ? কোথা অলকার পতি?
কোথা হৈমবতীসুত তারকসুন্দর,^{৬৭}
শমন, পবন, আর যত দেব-নেতা?
কোথা চিত্ররথ? কহ, কেমনে জানিলা

৬১ পার্বতী যুবতী—পার্বতী যুবতী। ৬২ বাংলার আগমনী-বিজয়গান এবং দুর্গাচব্বকের প্রসঙ্গ।

৬৩ শৈলকুলশত্রু শত্রু-ইন্দ্রকে শৈলকুলের শত্রু বলা হয়েছে, মৈনাক পর্বত ও ইন্দ্রের সংঘর্ষের পৌরাণিক কাহিনী
স্মরণ করে। শত্রু—ইন্দ্র। ৬৪ অরবিন্দ—পদ্ম। ৬৫ নদী। ৬৬ ইন্দ্র।

৬৭ কার্তিক তারকাসুরকে বধ করেছিলেন। পৌরাণিক কাহিনী।

ধবল আশ্রয়ে আমি আশ্রয়ী, সুন্দরী?"

উত্তর করিলা দেবী পুলোম-দুহিতা—
মৃগাক্ষী, বিষ-অধরা, পীনপয়োধরা,
কৃশোদরী;—“মম ভাগ্যে, প্রাণ-সখা, আজি
দেখা মোর শূন্য মার্গে স্বপ্নদেবী সহ!
পুঙ্করের পৃষ্ঠে বসি, সৌদামিনী যেন,
ক্রমিতেছিনু এ বিশ্ব অনাথা হইয়া,
স্বপ্ন মোরে দিল, নাথ, তোমার বারতা!
সমরে বিমুখ ছায়, অমরের সেনা,
ব্রহ্ম-লোকে স্বরে তোমা; চল, দেবপতি,
অনতিবিলম্বে, নাথ, চল, মোর সাথে!”

তনি ইন্দ্রাণীর বাণী দেবেন্দ্র অমনি
স্মরিলা বিমানবরে; ৬৮ গভীর নিনাদে
আইল রথ, তেজঃপূজ, সে নিকুঞ্জবনে।
বসিলা দেবদম্পতী পদ্মাসনোপরে।
উঠিল আকাশে গজির্জ স্বর্ণ ব্যোমযান,
আলো করি নভস্তল, বৈনতেয় ৬৯ যথা
সুধানিধি সহ সুধা বহি সযতনে। ৭০

ইতি শ্রীভাগবতমাসম্বন্ধে কাব্যে ধবল-শিখরো
নাম প্রথম সর্গ।

দ্বিতীয় সর্গ

কোথা ব্রহ্মলোক? কোথা আমি মন্দমতি
অকিঞ্চন? ১ যে দুর্ভাগ্য লোক লভিবারে
যুগে যুগে যোগীন্দ্র করেন মহা যোগ,
কেমনে, মানব আমি, ভব-মায়াজালে
আবৃত পিঞ্জরাবৃত বিহঙ্গ যেমতি,
যাইব সে মোক্ষধামে? ভেলায় চড়িয়া,
কে পারে হইতে পার অপার সাগর?
কিন্তু, হে সারদে, দেবি বিশ্ববিনোদিনী,
তব বলে বলী যে, মা, কি অসাধ্য তার
এ জগতে? উর ২ তবে, উর পদ্মালয়া
বীণাপাণি! কবির হৃদয়-পদ্মাসনে
অধিষ্ঠান কর উরি! কল্পনা-সুন্দরী—
হৈমবতী কিঙ্করী তোমার, শ্বেতভূজে,
আন সঙ্গে, শশিকলা কৌমুদী যেমতি।
এ দাসেরে বর যদি দেহ গো, বরদে,
তোমার প্রাসাদে, মাতঃ, এ ভারতভূমি
তনিবে, আনন্দার্ণবে ভাসি নিরবধি,
এ মম সঙ্গীতধ্বনি মধু হেন মানি!
উঠিল অম্বরপথে হৈম ব্যোমযান
মহাবেগে, ঐরাবত সহ সৌদামিনী
বহি পয়োবাহ যথা; রথ-চূড়া-শিরে
শোভিল দেব-পতাকা, বিদ্যুৎ আকৃতি,
কিন্তু শান্তপ্রভাময়; ধাইল চৌদিকে—

হেরি সে কেতুর কান্তি, ভ্রান্তি-মদে মতি,
অচলা চপলা তারে ভাবি, দ্রুতগামী
জীমূত, গভীরে গজির্জ, লভিবার আশে
সে সুসুন্দরী,—যথা স্বয়ম্বরস্থলে,
রাজেন্দ্রমণ্ডল, স্বয়ম্বর-রূপবতী—
রূপমাধুরীতে অতি মোহিত হইয়া,
বেড়ে তারে,—জরজর পঞ্চশর-শরে!
এইরূপে মেঘদল আইল ধাইয়া,
হেরি দুরে সে সুকেতু রতনের ভাতি;
কিন্তু দেখি দেবরথে দেবদম্পতীরে,
সিহরি অম্বরতলে সাষ্টাঙ্গে পড়িল
অমনি! চলিল রথ মেঘময় পথে—
আনন্দময়-মদন-স্যান্দন ৩ যেমনি
অপরাজিতা-কাননে চলে মধুকালে
মন্দগতি, কিম্বা যথা সেতু-বন্ধোপরে
কনক-পুষ্পক, বহি সীতা সীতানাথে! ৪

এড়াইয়া মেঘমালা, মাতলি সারথি
চালাইয়া দেবযান ভৈরব আরবে;
তনি সে ভৈরবাবর দিঘ্যারণ যত—
ভীষণ মূর্তিধর—রুবি হুঙ্কারিল
চারি দিকে; চমকিল জগত! বাসুকি
অস্থির হইলা ত্রাসে! চলিল বিমান;—
কত দূরে চন্দ্র-লোক অম্বরে শোভিল,

রজস্বীপ নীলজল। সে লোকে পুলকে
বসেন রতনাসনে কুমুদবাসন,
কামিনী কুলের সখী যামিনীর সখা,
মদন রাজার বঁধু, দেব সুধানিধি
সুধাংগ। বরবর্ণিনী দক্ষের দুহিতা—
বৃন্দ বেড়ে চন্দ্রে যেন কুমুদের দাম
চির বিকচিত, পূরি আকাশ সৌরভে—
রূপের আভায় মোহি রজনীমোহনে।
হেম হর্ষো-দিবানিধি যার চারি পাশে
ফেরে অগ্নিচক্ররাশি মহাভয়ঙ্কর—
বিরাজয়ে সুধা, যথা মেঘবর-কোলে
চাপলা, বা অবরোধে যথা কুলবধু—
ললিতা, ভুবনম্পৃহা, প্রফুল্ল-যৌবনা;
নারী-অরবিন্দ সহ ইন্দু মহামতি,
হেরি ত্রিদিবের ইন্দ্রে দূরে, প্রণমিলা
নম্রভাবে; যথা যবে প্রলয়-পবন
নিবিড় কাননে বহে, তরুণকুলপতি
ব্রততী-সুন্দরীদল শাবাবলী সহ,
বন্দে নমাইয়া শির অজেয় মারুতে।

এড়াইয়া চন্দ্রলোকে, দেবরথ দ্রুতে
উতরিল বসে যথা রবির মণ্ডলী
গগনে। কনকময় মনোহর পুরী,
তার চারি দিকে শোভে,—মেঘলা যেমতি
আলিঙ্গয়ে অঙ্গনার চারু কৃশোদরে
হরষে পসারি বাহু,—রাশিচক্র; তাহে
রাশি-রাশির আলয়। নগর মাঝারে
একচক্র রথে দেব বসেন ডাক্তর।
অরুণ, তরুণ সদা, নয়নরমণ
যেন মধু কাম-বঁধু,—যবে ঋতুপতি
বসন্ত, হিমাঙ্কে, তনি পিককুলধ্বনি,
হরষে তুষেন আসি কামিনী মহীরে,
কাতরা বিরহে তাঁর,—বসেছে সমুখে
সারথি। সুন্দরী ছায়া, মলিনবদনা,
নলিনীর সুখ দেখি দুঃখিনী কামিনী,
বসেন পতির পাশে নয়ন মুদিয়া,—
সপত্নীর প্রভা নারী পারে কি সহিতে?
চারি দিকে গ্রহদল দাঁড়ায় সকলে
নতভাবে, নরপতি-সমীপে যেমতি
সচিব। অম্বরতলে তারাবৃন্দ যত—

ইন্দীবর-নিকর ৫—অদূরে হাসি নাচে,
যথা, রে অমরাপুরি, কনক-নগরি,
নাচিত অম্বরাকুল, যবে শচীপতি,
স্বরীশ্বর, শচী সহ দেবসভা-মাঝে,
বসিতেন হৈমাসনে! নাচে তারাবলী
বেড়ি দেব দিবাকরে, মৃদু মন্দপদে;
করে পুরকারেন হাসিয়া প্রভাকর
তা সবারে, রত্নদানে যথা মহীপতি
সুন্দরী কিঙ্করীদলে তোষে—তুষ্টি ভাবে!
হেরি দূরে দেবরাজে, গ্রহকুলরাজা
সমস্ত্রমে প্রণাম করিলা মহাপতি।—
এড়াইয়া সূর্যালোকে চলিল বিমান।

এবে চন্দ্র সূর্য আর নক্ষত্রমণ্ডলী
—রজত কনক দ্বীপ অম্বর-সাগরে—
পশ্চাতে রাখিয়া সবে, হৈম ব্যোমযান
উতরিল যথাশত দিবাকর জিনি
প্রভা—স্বয়ম্বর ৬ পাদপঞ্জে স্থান যার—
উজ্জ্বলেন দেশ ধনী প্রকৃতিরূপিনী,
রূপে মোহি অনাদি অননুদ সনাতনে!
প্রভা—শক্তিকুলেশ্বরী, যার সেবা করি
তিমিরারি বিভাবসু ৭ তোষেন স্বকরে
শশী তারা গ্রহাবলী, বারিদ যেমতি
অধুনিধি সেবি সদা, তোষে বসুধারে
তুষাতুরা, আর তোষে চাতকিনী-দলে
জলদানে। ইন্দ্রপ্রিয়া পৌলোমী রূপসী—
পীনপয়োধরা—হেরি কারণ-কিরণে,
সভয়ে চারুহাসিনী নয়ন মুদিলা,
কুমুদিনী, বিধুপ্রিয়া, তপন উদিলে
মুদয়ে নয়ন যথা! দেব পুরন্দর
অসুরারি, তুলি রোষে দম্ভোলি ৮ যে করে
বৃত্রাসুরে অনায়াসে নাশেন সংগ্রামে,
সেই কর দিয়া এবে প্রভার বিভাসে
চমকি ঢাকিলা আঁখি! রথ-চূড়া-শিরে
মলিনিল দেবকেতু, ধূমকেতু যেন
দিবাভাগে; যান-মুখে বিন্ধ্যয়ে মাতলি
সূতেশ্বর অঙ্কভাবে রশ্মি দিলা ছাড়ি
হীনবল; মহাতঙ্কে তুরঙ্গম-দল
মন্দগতি, যথা বহে প্রতীপ ৯ গমনে
প্রবাহ! আইল এবে রথ ব্রহ্মলোকে।

৬৮ বিমান—আকাশযান। ৬৯ বিদ্যার পুত্র গরুড়।

৭০ গরুড় কর্তৃক অমৃতহরণের পৌরাণিক কাহিনীর উল্লেখ।

১ দুঃখী, নিঃস্ব। ২ অবতীর্ণ হও। ৩ স্যান্দন—রথ। ৪ রামায়ণের সীতা-উদ্ধার কাহিনীর উল্লেখ।

৫ বহুসংখ্যক নীলপত্র। ৬ স্বয়ম্বর—মহাদেব। ৭ সূর্য। ৮ বজ্র। ৯ বিপরীত।

মেরু,—কনক-মৃণাল কারণ-সলিলে;
তাহে শোভে ব্রহ্মলোক কনক-উৎপল;
তথা বিরাজেন ধাতা-পদতল যার
মুমুকু^{১০} কুলের ধ্যেয়—মহামোক্ষধাম।

অদূরে হেরিলা এবে দেবেন্দ্র বাসব
কাঞ্চন-তোরণ, রাজ-তোরণ-আকার,
আভাময়; তাহে জ্বলে আদিত্য আকৃতি,
প্রত্যাপে আদিত্যে জিনি, রতননিকর।
নর-চক্ষু কভু নাহি হেরিয়াছে যাহা,
কেমনে নররসনা বর্ণিবে তাহারে—
অতুল ভব-মণ্ডলে? তোরণ-সম্মুখে
দেখিলা দেবদম্পতী দেবসৈন্য-দল,—
সমুদ্র-তরঙ্গ যথা, যবে জলনিধি
উত্থলেন কোলাহলি পবন-মিলনে
বীরদর্পে; কিম্বা যথা সাগরের তীরে
বালিবৃন্দ, কিম্বা যথা গগনমণ্ডলে
নক্ষত্র-চয়—অগণ্য। রথ কোটি কোটি
স্বর্ণচক্র, অগ্নিময়, রিপুভক্ষকারী,
বিদ্যুত-গঠিত-ধ্বজ-মণ্ডিত; তুরগ^{১১}—
বিরাজেন সদাগতি যার পদতলে
সদা, শুভ্র-কলেবর, হিমালী-আবৃত
গিরি যথা, স্বন্ধে কেশরারবীর শোভা—
ক্ষীরসিন্ধু-ফেনা যেন—অতি মনোহর!
হস্তী, মেঘাকার সবে,—যে সকল মেঘ,
সৃষ্টি বিনাশিতে যবে আদেশেন ধাতা,
আখণ্ডল পাঠান ভাসাতে ভূমণ্ডলে
প্রলয়ে; যে মেঘবৃন্দ মন্ডিলে অঙ্করে,
শৈলের পাষণ-হিয়া ফাটে মহা ভয়ে,
বসুধা কাঁপিয়া যান সাগরের তলে
তরাসে! অমরকুল-গন্ধর্ব্ব, কিন্নর,
যক্ষ, রক্ষ, মহাবলী, নানা অস্ত্রধারী—
বারণারি ভীষণ দশনে, বজ্র-নখে
শস্ত্রিত যেমতি, কিম্বা নাগারি গুরুড়,
গুরুস্বস্ত-কলপতি!^{১২} হেন সৈন্যদল,
অজ্ঞেয় জগতে, আজি দানবের রণে
বিমুখ, আশ্রয় আসি লভিয়াছে সবে
ব্রহ্ম-লোকে, যথা যবে প্রলয়-প্রাবন
গভীর গরজি গ্রাসে নগর নগর নগরী
অকালে, নগরবাসী জনগণ যত

নিরাশ্রয়, মহাত্মাসে পালায় সত্বরে
যথায় শৈলেন্দ্র বীরবর ধীর-ভাবে
বজ্রপদপ্রহরণে তরঙ্গনিচয়
বিমুখয়ে; কিম্বা যথা, দিবা অবসানে,
মহতের সাথে যদি নীচের তুলনা
(পারি দিতে) তমঃ যবে গ্রাসে বসুধারে,
(রাহ যেন চাঁদে) বিহগকুল ভয়ে
পুরিয়া গগন ঘন কূজন-নিদানে,
আসে তরুণ-পাশে আশ্রমের আশে!

এ হেন দুর্ব্বার সেনা, যার কেতুপরি
জয় বিরাজয়ে সদা, খগেন্দ্র যেমতি
বিশ্বস্তর-ধ্বজে,^{১৩} হেরি ভগ্ন দৈত্যরণে,
হায়, শোকাবুল এবে দেবকুলপতি
অসুরারি! মহৎ যে পরদুঃখে দুঃখী
নিজ দুঃখে কভু নহে কাতর সে জন।
কুলিশ চূর্ণিলে শৃঙ্গ, শৃঙ্গধর সহে
সে যাতনা, ক্ষণমাত্র অস্থির হইয়া;
কিন্তু যবে কেশরীর প্রচণ্ড আঘাতে
ব্যথিত বারণ আসি কাঁদে উচ্চস্বরে
পড়ি গিরিবর-পদে, গিরিবর কাঁদে
তার সহ! মহাশোকে শোকাবুল রথী
দেবনাথ, ইন্দ্রাণীর করযুগ ধরি,
(সোহাগে মরাল যথা ধরে রে কমলে!)
কহিলা সুমুদ্র স্বরে;—“হায়, প্রাণেশ্বর,
বিধির অদ্ভুত বিধি দেখি বুক ফাটে!
শৃগাল-সমরে, দেখ, বিমুখ কেশরী-
বৃন্দ, সুরেশ্বর, ওই তোরণ-সমীপে
ম্রিয়মাণ অতিমানে। হায়, দেব-কুলে
কে না চাহে তাজিবারে কলেবর আজি,
যাইতে, শমন, তোর তিমির-ভবনে,
পাসরিতে এ গঞ্জনা? দিক, শত দিক
এ দেব-মহিমা! অমরতা, দিক্ তোরে।
হায়, বিধি, কোন্ পাশে মোর প্রতি তুমি
এ হেন দারুণ! পুনঃ পুনঃ এ যাতনা
কে না ভোগাও দাসে? হায়, এ জগতে
ত্রিদিবের নাথ ইন্দ্র, তার সম আজি
কে অনাথ? কিন্তু নহি নিজ দুঃখে দুঃখী।
সৃজন পালন লয় তোমার ইচ্ছায়;
তুমি গড়, তুমি ভাঙ, বজায় রাখহ

তুমি; কিন্তু এই যে অগণ্য দেবগণ,
এ সবার দুঃখ, দেব, দেখি প্রাণ কাঁদে।
তপন-তাপেতে তাপি পণ্ড পক্ষী, যদি
বিশ্রাম-বিলাস-আশে, যায় তরু-পাশে,
দিনকর-খরতর-কর সহ্য করি
আপনি নে মইরুহ, আশ্রিত যে প্রাণী,
ঘুচায় তাহার ক্রেশ;—হায় রে, দেবেন্দ্র
আমি স্বর্ণপতি, মোর রক্ষিত যে জন,
রক্ষিতে তাহারে মম না হয় ক্ষমতা?”

এতক কহিয়া দেব দেবকুলপতি
নামিলেন রথ হতে সহ সুরেশ্বরী
শূন্যমার্গে। আহা মরি, গগন, পরনি
পৌলোমীর পাদপদ্ম, হাসিল হরষে!
চলিলা দেব-দম্পতী নীলাশ্বর-পথে।

হেথা দেবসৈন্য, হেরি দেবেশ বাসবে,
অমনি উঠিলা সবে করি জয়ধ্বনি
উল্লাসে, বারণ-বৃন্দ আনন্দে যেমতি
হেরি যুথনাথে। লয়ে গন্ধর্ব্বের দল—
গন্ধর্ব্ব, মদনগর্ব্ব স্বর্ক যার রূপে—
গন্ধর্ব্বকুলের পতি চিত্তরথ রথী
বেড়িলা মেঘবাহনে,^{১৪} অগ্নি-চক্ররাশি
বেড়ে যথা অমৃত, বা সুবর্ণ-প্রাচীর
দেবালয়; নিম্বোদিয়া অগ্নিসম অসি,
ধরি বাম করে চন্দ্রাকার হৈম ঢাল,
অভেদ্য সমরে, দ্রুত বেড়িলা বাসবে
বীরবৃন্দ। দেবেন্দ্রের উচ্চ শিরোপরি
ভাঙিল,—রবিপরিধি উদিলেক যেন
মেরু-শৃঙ্গোপরি,—মণিময় রাজছাতা,
বিস্তারি কিরণজাল; চতুরঙ্গ দলে
রঙ্গে বাজে রণবাদ্য, যাহার নিকুণে—
পবন উত্থলে যথা সাগরের বারি—
উত্থলে বীর-হৃদয়, সাহস-অর্পণ।

আইলেন কৃতান্ত, ভীষণ দণ্ড হাতে;
ভালে জ্বলে কোপাগ্নি, ভৈরব-ভালে^{১৫} যথা
বৈষ্ণবনর,^{১৬} যবে, হায়, কুলশ্রে মদন
ঘুচাইয়া রক্তির মৃণাল-ভুজ-পাশ,
আসি, যথা অগ্নি তপঃসাগরে ভূতেশ,^{১৭}
বিধিলা (অবোধ কাম!) মহেশের হিয়া

ফুলশরে।^{১৮} আইলেন বরুণ দুর্জয়,
পাশ হস্তে জলেশ্বর, রাগে আঁখি রাঙা—
তড়িত-জড়িত ভীমাকৃতি মেঘ যেন।
আইলা অলকাপতি^{১৯} সাপটিয়া ধরি
গদাবর; আইলেন হৈমবতী-সুত,
তারকসূদন দেব শিবীবরাসন,
ধনুর্বাণ হাতে দেব-সেনানী; আইলা
পবন সর্কদমন;—আর কব কত?
অগণ্য দেবতাগণ বেড়িলা বাসবে,
যথা (নীচ সহ যদি মহতের খাটে
তুলনা) নিদ্রাশয়নী নিশীথিনী যবে,
সূচাকৃতারা মহিষী, আসি দেন দেখা
মৃদুগতি, খন্দোত্তের বাহ প্রতিসরে
ঘেরে তরুণবরে, রত্ন-কিরীট পরিয়া
শিরে,—উজলিয়া দেশ বিমল কিরণে!

কহিতে লাগিলা তবে দেব পুরন্দর;—
“সহস্রেক বৎসর এ চতুরঙ্গ দল
দুর্ব্বার, দানব সঙ্গে ঘোরতর রণে
নিরন্তর যুঝি, এবে নিরন্ত সমরে
দৈববলে। দৈববল বিনা, হায়, কেবা
এ জগতে তোমা সবা পারে পরাজিতে,
অজ্ঞেয়, অমর বীরকুলশ্রেষ্ঠ? বিনা
অনন্ত, কে ক্ষম, যম, সর্ক-অস্ত্রকারি,
বিমুখিতে এ দিকপালগণে তোমা সহ
কিম্বাহে? কেমনে এবে এ দুর্জয় রিপু—
বিধির প্রসাদে দুষ্ট দুর্জয়,—কেমনে
বিনাশিবে, বিবেচনা কর, দেবদল?
যে বিধির বরে বসি দেবরাজ্যাসনে
আমি ইন্দ্র, মোর প্রতি প্রতিকূল তিনি,
না জানি কি দোষে, এবে! হায় এ কার্যক^{২০}
বৃথা আজি ধরি আমি এই বাম করে;
এ ভীষণ বজ্র আজি নিস্তেজ পাবক!”

ওনি দেবেন্দ্রের বাণী, কহিতে লাগিলা
অস্তক, গঞ্জির স্বরে গরজে যেমতি
মেঘকুলপতি কোপে, কিম্বা বারণারি,
বিদরি মইর বক্ষ ভীক্ষ বজ্র-নখে
রোধী;—“না বুঝিতে পারি, দেবপতি, আমি
বিধির এ লীলা? যুগে যুগে পিতামহ

১০ মোক্ষেশু, মুক্তিপ্রার্থী। ১১ অশ্ব। ১২ গন্ধর্ব্ব-কুলপতি—পক্ষীদের কুলপতি। গন্ধর্ব্বের বিশেষণ।
১৩ খগেন্দ্র...বিশ্বস্তর-ধ্বজে—বিষ্ণুর রথ গুরুড়ধ্বজ বলে পৌরাণিক বিশ্বাস।

১৪ মেঘবাহন—ইন্দ্র। ১৫ ভৈরব-ভালে—এখানে মহাদেবের ললাটস্থ তৃতীয় নয়ন বোঝানো হয়েছে।
১৬ বৈষ্ণবনর—অগ্নি। ১৭ প্রমথনাথ অর্থাৎ মহাদেব। ১৮ মহাদেব কর্তৃক মদনভ্রাতার প্রসঙ্গ।
১৯ কুবের। ২০ ধনুক।

এইরূপে বিগঞ্জন অমরের কুল;
বাড়ান দানবদর্প, শৃগালের হাতে
সিংহেরে দিয়া লাঞ্ছনা। তুষ্ট তিনি ভণে;—
যে তাহারে ভক্তিভাবে ভজে, তার তিনি
বশীভূত; আমরা দিক্‌পালগণ যত
সতত রত স্বকার্যে,— লালনে পালনে
এ ভব-মণ্ডল, তাঁরে পূজিতে অক্ষম
যথাবিধি। অতএব যদি আজ্ঞা কর,
ত্রিদিবের পতি, এই দণ্ডে দণ্ডঘাতে
নাশি এ জগৎ, চূর্ণ করি বিশ্ব, ফেলি
স্বর্ণ, মর্ত্য, পাতাল—অতল জলতলে।
পরে এড়াইয়া সবে সংসারের দায়,
যোগধর্ম অবলম্বি, নিশ্চিন্ত হইয়া
ভূমিব চতুরাননে, দৈত্যকুলে ভুলি,
ভুলি এ দুঃখ, এ সুখ। কে পারে সহিতে—
হায় রে, কহ, দেবেন্দ্র, হেন অপমান?
এই মতে সৃষ্টি যদি পালিতে ধাতার
ইচ্ছা, তবে বৃথা কেন আমা সবা দিয়া
মথাইলা সাগর? অমৃত-পানে মোরা
অমর; কিন্তু এ অমরতার কি ফল
এই? হায়, নীলকণ্ঠ,^{২১} কিসের লাগিয়া
ধর হলাহল, দেব, নীল-কণ্ঠদেশে?^{২২}
জ্বলুক জগত! ভস্ব কর বিশ্ব! ফেল
উগরিয়া সে বিরাগি! কার সাধ হেন
আজি, যে সে ধরে প্রাণ এ অমরকূলে?”
এতক কহিয়া দেব সর্ব-অন্তকারী
কৃতান্ত হইলা ক্ষান্ত; রাগে চক্ষুদ্বয়
লোহিত-বরণ, রাঙা জবাযুগ যেন!
তবে সর্বদমন পবন মহাবলী
কহিতে লাগিলা, যথা পর্বত-গহবরে
হুঙ্কারে কারাবদ্ধ বারি, বিদরিয়া
অচলের কর্ণ;—“যাহা কহিলা শমন,
অযথার্থ নহে কিছু। নিদারুণ বিধি
আমা সবা প্রতি কাম অকারণে সদা।
নাশিতে এ সৃষ্টি, প্রলয়ের কালে যথা
নাশেন আপনি ধাতা বিধি মম। কেন?—
কেন, হে ত্রিদশগণ,^{২৩} কিসের কারণে
সহিব এ অপমান আমরা সকলে

অমর? দিতিজ-কুল প্রতি যদি এত
শ্রদ্ধে পিতামহের, নতন সৃষ্টি সৃজি,
দান তিনি করুন পরম তত্ত্বদলে।
এ সৃষ্টি, এ স্বর্ণ, মর্ত্য, পাতাল—আলয়
সৌন্দর্যের, রত্নাগার, সুখের সদন,—
এত দিন বাহুবলে রক্ষা করি এবে
দিব কি দানবে? গরুড়ের উচ্চ নীড়
মেঘাবৃত, — স্বপ্নন গগ্নন মাত্র তার।
দেহ আজ্ঞা, দেবেশ্বর; দাঁড়াইয়া হেথা—
এ ব্রহ্ম-মণ্ডলে-দেখ সবে, মুহূর্ত্তেকে,
নিমিষে নাশ এ সৃষ্টি, বিপুল, সুন্দর,
বাহুবলে— ত্রিজগৎ লুপ্ত করি।”
কহিতে কহিতে ভীমাকৃতি প্রভঞ্জন
নিশ্বাস ছাড়িলা রোষে। ধর ধর ধরে
(ধাতার কনক-পদ্ম-আসন যে স্থলে,
সে স্থল ব্যতীত) বিশ্ব কাপিয়া উঠিল!
ভাঙ্গিল পর্বতচূড়া; ভুবিল সাগরে
তরী; ভরে মৃগরাজ, গিরিগুহা ছাড়ি,
পলাইলা দ্রুতবেগে; গতিহী রমনী
আতঙ্কে অকালে, মরি, প্রসবি মরিলা!
তবে ষড়ানন ক্ষম, আহা, অনুগ্রহ
রূপে! হৈমবতী সতী কৃত্তিকা বাহারে
পালিলা,^{২৪} সরসী যথা রাজহংস-শিত,
আদরে; অমরকুল-সেনানী সুরথী,
তারকারি, রণদণ্ডে প্রচণ্ড-প্রহারী,
কিন্তু ধীর, মলয় সমীর যেন, যবে
স্বর্ণবর্ণা উষা সহ ভ্রমেন মাক্ষত
শিশিরমণ্ডিত ফুলবনে প্রেমামোদে;—
উত্তর করিলা তবে শিবীবরাসন
মৃদু স্বরে, যথা বাজে মুরারির বাঁশী,
গোপিনীর মন হরি, মঞ্জু কুঞ্জবনে;^{২৫}—
“জয় পরাজয় রণে বিধির ইচ্ছায়।
তবে যদি যথাসাধ্য যুদ্ধ করি, রথী
রিপুর সঙ্ঘুখে হয় বিমুখ সুমতি
রণক্ষেত্রে, কি শরম তার? দৈববলে
বলী যে অরি, সে যেন অভেদ্য কবজে
ভূষিত; শতসহস্র তীক্ষ্ণতর শর
পড়ে তার দেহে, পড়ে শৈলদেহে যথা

বরিবার জলাসার। আমরা সকলে
প্রাণপণে যুঝি আজি সমরে বিরত,
এ নিমিষে কে ধিকার দিবে আমা সবে?
বিধির নির্বন্ধ, কহ, কে পারে খণ্ডিতে?
অতএব তন, যম, তন সদাগতি,
দুর্জয় মরে দৌছে, তন মোর বাণী,
দূর কর মনস্তাপ। তবে কহ যদি,
বিধির এ বিধি কেন? কেন প্রতিকূল
আমা সবা প্রতি হেন দেব পিতামহ?
কি কহিব আমি—দেবকূলের কনিষ্ঠ?
সৃষ্টি, স্থিতি, প্রলয় বাহার ইচ্ছাক্রমে;
অনাদি, অনন্ত যিনি, বোধগম্য, রীতি
তাঁর যে, সেই সুরীতি। কিসের কারণে,
কেন হেন করেন চতুরানন, কহ,
কে পারে বুঝিতে? রাজা, যাহা ইচ্ছা, করে;
প্রজার কি উচিত বিবাদ রাজা সহ?”
এতক কহিয়া দেব ক্ষম তারকারি
নীলবিলা। অগ্রসরি অমুরাশি-পতি
(বীর-কনু নামে যথা) উত্তর করিলা;—
“সম্বর, অবরচর,^{২৬} বৃথা রোষ আজি!
দেখ বিবেচনা করি, সত্য যা কহিলা
কার্তিকেয় মহারথী। আমরা সকলে
বিধাতার পদাশ্রিত, অধীন তাঁহারি;
অধীন যে জন, কহ, স্বাধীনতা কোথা
সে জনের? দাস সদা প্রভু-আজ্ঞাকারী।
দানব-দমন আজ্ঞা আমা সবা প্রতি;
দানব দমনে এবে অক্ষম আমরা;—
চল যাই ধাতার সমীপে, দেবগণ।
সাগর-আদেশে সদা তরঙ্গ-নিকর
তীষণ নিনাদে ধায়, সংহারিতে বলে
শিলাময় রোধ;^{২৭} কিন্তু তার প্রতিঘাতে
কাঁকর, সাগর-পাশে যায় তারা ফিরি
হীনবল। চল মোরা যাই, দেবপতি,
যথা পদ্মযোনি^{২৮} পদ্মাসন পিতামহ।
এ বিপুল বিশ্ব নাশে, সাধ্য কার হেন,
তিনি বিনা? হে অস্তক বীরবর, তুমি
সর্ব-অন্তকারী, কিন্তু বিধির বিধানে।
এই যে প্রচণ্ড দণ্ড শোভে তব করে,

দণ্ডধর, বাহার প্রহারে ক্ষর সদা
অমর অক্ষয়দেহ, চূর্ণ নগরাজা,
এ দণ্ডের প্রহরণ, বিধি আদেশিলে,
বাজে দেহে,—সুকোমল ফুলাঘাত যেন,—
কামিনী হানয়ে যবে মৃদু মন্দ হাসি
প্রিয়দেহে প্রণয়িনী, প্রণয়-কৌতুকে,
ফুলশর! তুমি, দেব, ভীম প্রভঞ্জন,
ভগ্ন তরুকুল যার তীষণ নিশ্বাসে,
তুঙ্গ গিরিশৃঙ্গ, বলী বিরিকির^{২৯} বলে
তুমি, জলস্রোত; যথা পর্বত-প্রসাদে;
অতএব দেখ সবে করি বিবেচনা,
দেবদল। বাড়বাগ্নি-সদৃশ জ্বলিছে
কোপানল মোর মনে! এ ঘোর সংগ্রামে
ক্ষত এ শরীর, দেখ, সৈত্য-প্রহরণে,
দেবেশ, কিছু কি করি? এ ভৈরব পাশ
দ্রিয়মাণ—মস্তবলে মহোরগ যেন।”
তবে অলকার নাথ, এ বিশ্ব বাহার
রত্নাগার, উত্তরিলা যক্ষদলপতি;—
“নাশিতে ধাতার সৃষ্টি, যেমন কহিলা
প্রচেতা,^{৩০} কাহার সাধ্য? তবে যদি থাকে
এ হেন শক্তি কারো, কেমনে সে জন,
দেব কি মানব, পারে এ কর্ম করিতে
নিষ্ঠুর? কঠিন হিয়া হেন কার আছে?
কে পারে নাশিতে তোরে, জগৎজননি
বসুধে, রে ক্ষতকুলরমণি, বাহার
শ্রেমে সদা মস্ত তানু ইন্দু—ইন্দীবর
গগনের! তারা-দল যার সখী-দল!
সাগর বাহারে বাঁধে রজতুজ-পাশে।^{৩১}
সোহাগে বাসুকি নিজ শত শিরোপরি
বসায়! রে অনন্তে, রে মেদিনি কামিনী,
শ্যামাগ্নি, অলক যার ভূষিতে উদ্ভাসে
সৃজন সতত ধাতা ফুলরত্নাবলী
বহুবিধ! আলিঙ্গয়ে ভূধর বাহারে
দিবানিশি! হে আছেয়ে, হে দিক্‌পালগণ,
এ হেন নির্বন্ধ? রাহু শশী গ্রাসিবারে
ব্যগ্র সদা দুষ্ট, কিন্তু রাহু,—সে দানব।
আমরা দেবতা,—এ কি আমাদের কাজ?
কে ফেলে অমূল মণি সাগরের জলে

২১ মহাদেব। ২২ সমুদ্রমন্ধান ও পিণ্ডের বিধিপানের পৌরাণিক উল্লেখ। ২৩ ত্রিদশ—দেবতা, অমর।
২৪ কার্তিকের জন্ম এবং ছয় মুখ হবার পৌরাণিক বৃত্তান্তের উল্লেখ। ২৫ ব্রহ্মলীলার উল্লেখ।

২৬ আকাশচরী দেবমন্তল। ২৭ বাধ। ২৮ ব্রহ্ম। ২৯ বিরিকি—ব্রহ্মা। ৩০ বল্লভ।
৩১ রজতুজ—রজতের স্যায় গুহবর্ণ বাহু। রজত অর্থে ‘রক্ত’-এর ব্যবহার মধুসূদনের একটি মৃত্যুদোষ-বিশেষ।

চোরে ডরি? যদি প্রিয়জন যে, সে জনে
গ্রাসে রোগ, কাটারীর ধারে গলা কাটি
প্রণয়ী-হৃদয় কি গো নীরোগে তাহারে?
আর কি কহিব আমি, দেখ ভাবি সবে।
যদিও মতের সহ মতের বিবাহে
(তুচ্ছ কাষ্ঠ সহ তুচ্ছ কাষ্ঠের ঘর্ষণে
যেমন) জনমে অগ্নি, সত্যদেবী যাহে
জ্বালান প্রদীপ ভ্রান্তি-তিমির নাশিতে;
কিন্তু বৃথা-বাক্যবৃক্ষে কতু নাহি ফলে
সমুচিত ফল; এ তো অজানিত নহে।
অতএব চল সবে যাই যথা ধাতা
পিতামহ। কি আজ্ঞা তোমার, দেবপতি?"

কহিতে লাগিল পুনঃ সুরেন্দ্র বাসব
অসুরারি;—“পালিতে এ বিপুল জগত
সৃজন, হে দেবগণ, আমাসবাকার।
অতএব কেমনে যে রক্ষক, সে জন
হইবে তুচ্ছক? যথা ধর্ম জয় তথা
অন্যায় করিতে যদি আরম্ভি আমরা,
সুরাসুরে বিভেদ কি থাকিবেক, কহ,
জগতে? দিতিজবৃক্ষ অধর্মোত্তে রত;
কেমনে, আমরা যত অদিতিনন্দন,
অমর, ত্রিদিব-বাসী, তার সুখভোগী,
আচরিব, নিশাচর আচরে যেমতি
পাপচার? চল সবে ব্রহ্মার সদনে—
নিবেদি চরণে তাঁর এ ঘোর বিপদ!
হে কৃতান্ত দওধর, সর্ব-অন্তকারি,—
হে সর্বদমন বায়ুকলপতি, রণে
অজোয়,—হে তারকসূদন ধনুর্ধারি
শিখিধ্বজ,—হে বরুণ, রিপু-বন্ধকর
শরানলে,—হে কুবের, অলকার নাথ,
পুষ্পকবাহন দেব, ভীম গদাধর,
ধনেশ,—আইস সবে যথা পঞ্চযোনি
পদ্মাসনে বসেন অনাদি সনাতন।
এ মহা-সঙ্কটে, কহ, কে আর রখিবে
তিনি বিনা ত্রিভুবনে এ সুর-সমাজে
তাহারি রক্ষিত? চল বিরিকির কাছে!”

এতক কহিয়া দেব ত্রিদিবের পতি
বাসব, শ্বরীলা চিত্ররথে মহারথী।
অগ্রসরি করযোড়ে নমিলা দেবেশে
চিত্ররথ; আশীর্বাদি কহিলা সুমতি
ব্রহ্মপাণি, “এ দিক্‌পালগণ সহ আমি

প্রবেশিব ব্রহ্মপুরে; রক্ষা কর, রখি,
দেবকুলাঙ্গনা যত দেবেশ্বরী সহ।”

বিদায় মাগিয়া পুরন্দর সুরপতি
শচীর নিকটে, সহ ভীম প্রভঞ্জন,
শমন, তপনসুত, তিমিরবিলাসী,
যড়ানন তারকারি, দুর্জয় প্রচেতা,
ধনদ অলকানাথ, প্রবেশ করিলা
ব্রহ্মপুরে—মোক্ষধাম, জগত-বাহিত।

তবে চিত্ররথ রথী গন্ধর্ব-ঈশ্বর
মহাবলী, দেবদত্ত শঙ্খ ধরি করে,
ধনুিলা সে শঙ্খবর। সে গভীর ধনি তনিয়া
অমনি তেজস্বিনী দেবসেনা
অগণ্য, দুর্বার রণে, গরজি উঠিলা
চারি দিকে। লক্ষ লক্ষ অসি, নাগরাশি
উদগীরি পাবক যেন, ভাঙিল আকাশে!

উড়িল পতাকাচয়, হায় রে, যেমতি
রতনে রঞ্জিত-অঙ্গ বিহঙ্গম-দল!
উঠি রথে রথী দর্পে ধনু টঙ্কারিলা
চাপে পরাইয়া গুণ; ধরি গদা করে
করিপৃষ্ঠে চড়ে কেহ, কেশরী যেমতি
চড়ে তুঙ্গ-গিরি-শৃঙ্গে; কেহ আরোহিলা
(গরুড়-বাহনে যথা দেব চক্রপাণি)
অশ্ব সদাগতি সদা রাধা যার পদে!
শূল হস্তে, যেন লুপী ভীষণ নাশক,
পদাতিক-বৃন্দ উঠে হুহুকার করি,
মাতি বীরমদে তনি সে শঙ্খনিবাদ!
বাজিল গভীরে বাদ্য, যার ঘোর রোল
তনি নাচে বীর-হিয়া, ডমরুর রোলে
নাচে যথা ফণিবর—দুরন্ত দংশক—
বিষাকর; ভীক প্রাণ বিদরে অমনি
মহাভয়ে! সুর-সৈন্য সাজিল নিমিষে,
দানব-বংশের ত্রাস, রক্ষা করিবারে
হর্গের ঈশ্বরী দেবী পৌলোমী সুন্দরী,
আর যত সুরনারী; যথা ঘোর বনে
মহা মহীকুব্জ, বিভারিয়া বাহ
অমৃত, রক্ষয়ে সবে ব্রততীর কুল,
অলকে অলকে যার কুসুম-রতন
অমূল জগতে, রাজ-ইন্দ্রাণী-বাহিত।

যথা সন্ত সিদ্ধ বেড়ে সন্তী বসুধারে,
জগৎজননী, ত্রিদিবের সৈন্যদল
বেড়িলা ত্রিদিবদেবী অনন্ত-যৌবনা

শচীরে, সাপটি করে চন্দ্রাকার ঢাল,
অসি, অগ্নিশিখা যেন;—শত প্রতিসরে
বেড়িলা সুচন্দ্রাননে চতুর্দল দল।
তবে চিত্ররথ রথী, সৃজি মায়াবলে
কনক-সিংহ-আসন, অতুল, অমূল,
জগতে, যুড়িয়া কর, কহিলা প্রণমি
পৌলোমীরে, “এ আসনে বসুন মহিষী,
দেবকুলেশ্বরী; যথা সাধা, আমি দাস,
দেবেন্দ্র-অভাবে, রক্ষা করিব তোমারে।”

বসিলা কনকাসনে বাসব-বাসনা
মৃগাক্ষী। হায় রে মরি, হেরি ও বদন
মলিন, কাহার হিয়া না বিদরে আজি?
কার রে না কঁাদে প্রাণ, শরদের শশি,
হেরি তোরে রাহুধাসে? তোরে, রে নলিনি,
বিষগুবদনা, যবে কুমুদিনী-সখী
নিশি অসি, তানুপ্রিয়ে, নাশে সুখ তোর!

হেরি ইন্দ্রাণীরে যত সুচারুহাসিনী
দেবকামিনী সুন্দরী, অসি উতরিল
মৃদুগতি। আইলেন ষষ্ঠী মহাদেবী—
বঙ্গকুলবধু যারে পূজে মহাদরে,
মঙ্গলদায়িনী; আইলেন মা শীতলা,
দুরন্ত বসন্ততাপে তাপিত শরীর
শীতল প্রসাদে যার—মহাদয়াময়ী
ধাত্রী; আইলেন দেবী মনসা, প্রতাপে
যাহার ফণীভ্র জীত ফণিকুল সহ,
পাবক নিস্তেজ যথা বারি-ধারা-বলে;
আইলেন সুবচনী—মধুর ভাষিণী;^{৩২}
আইলেন যক্ষেশ্বরী মুরজা সুন্দরী,
কুঞ্জরগামিনী; আইলেন কামবধু
রতি; হায়! কেমনে বর্ণিব অল্পমতি
আমি ও রূপমাধুরী,—ও স্থির যৌবন,
যার মধুপানে মত্ত শর মধুসখা
নিরবধি? আইলেন সেনা সুলোচনা,
সেনানীর প্রণয়িনী—রূপবতী সন্তী!
আইলা জাহ্নবী দেবী—ভীষ্মের জননী;
কালিন্দী আনন্দময়ী, যার চারু কূলে
রাধাপ্রেম-ডোরে-বাঁধা রাধানাথ, সদা
ভ্রমেন, মরাল যথা নলিনীকাননে!^{৩৩}

আইলা মুরলা সহ তমসা বিমলা—
বৈদেহীর সখী দৌহে;—আর কব কত?
অগণ্য সুরসুন্দরী, ক্ষণপ্রভা-সম^{৩৪}
প্রভায়, সতত কিঙ্ক অচপলা যেন
রত্নকান্তিছটা, অসি বসিলা চৌদিকে;
যথা তারাবলী বসে নীলাশ্বরতলে
শশী সহ, ভরি ভব কাঞ্চন-বিভাসে!
বসিলেন দেবীকুল শচীদেবী সহ
রতন-আসনে; হায়, নীরব গো আজি
বিষাদে! আইলা এবে বিদ্যাধরী-দল।
আইলা উর্কশী দেবী,—ত্রিদিবের শোভা,
ভব-লগ্নাটের শোভা শশিকলা যথা
আভ্যময়ী। কেমনে বর্ণিব রূপ তব,
হে ললনে, বাসবের প্রহরণ তুমি
অব্যর্থ! আইলা চারু চিত্রলেখা সখী,
বিশাধাক্ষী যথা লক্ষ্মী—মাধব-রমণী।
আইলেন মিশ্রকেশী,—যাঁর কেশ, তব,
হে মদন, নাগপাশ—অজোয় জগতে।
আইলেন রজ্জা,—যাঁর উরুর বর্জুল
প্রতিকৃতি ধরি, বনবধু বিধুমুখী
কদলীর নাম রজ্জা, বিদিত হুবনে।
আইলেন অলবুধা,—মহা লজ্জাবতী
যথা লতা লজ্জাবতী, কিন্তু (কে না জানে?)
অপাঙ্গে গরল,—বিশ্ব দহে গো যাহাতে!
আইলেন মেনকা; হে গাধির নন্দন^{৩৫}
অভিমানি, যার প্রেমরস-বরিষণে
নিবারিলা পুরন্দর তপ-অগ্নি তব,
নিবারয়ে, মেঘ যথা আসার বরষা
দাবানল।^{৩৬} শত শত আসিয়া অন্ধরী,
নতভাবে ইন্দ্রাণীরে নমি, দাঁড়াইলা
চারি দিকে; যথা যবে,—হায় রে শ্বরিলে
ফাটে বুক!—তাজি ব্রজ ব্রজকুলপতি
অক্রুরের সহ চলি গেলা মধুপুরে,—
শোকিনী গোপিনীদল যমুনা-পুলিনে,
বেড়িল নীরবে সবে রাধা বিলাপিনী।^{৩৭}

ইতি ত্রিভলোগমাসম্বৎসরে কবে ব্রহ্মপুরীতোরণ নাম
দ্বিতীয় সর্গ।

৩২ ষষ্ঠী, শীতলা, মনসা, সুবচনীর মত বাংলাদেশের একান্ত পৌরিক দেবীকে কবি পৌরপিক দেবপরিমলে স্থান
দিয়েছেন, এ ঘটনা লক্ষ্য করার মত। ৩৩ ব্রজলীলার উল্লেখ। ৩৪ ক্ষণপ্রভা—বিদ্যা। ৩৫ বিশ্বামিত্র।
৩৬ মেনকার দ্বারা বিশ্বামিত্রের তপোভঙ্গ এবং শকুন্তলার জনকহিনীর প্রতি ইঙ্গিত। ৩৭ ব্রজলীলার উল্লেখ।

হেথা তুরাসাহ^১ সহ ভীম প্রভঞ্জন—
বায়ুকুল-ইন্দ্র,—প্রচেতাঃ পরন্তপ,
দণ্ডধর মহারথী-তপন-তনয়—
যক্ষদল-পতি দেব অলকার নাথ,
সুরসেনানী শূরেন্দ্র,—প্রবেশ করিলা
ব্রহ্মপুরী। এড়াইয়া কাঞ্চন-তোরণ
হিরণ্য, মৃদুগতি চলিলা সকলে,
পদ্মাসনে পঙ্কজোনি বিরাজেন যথা
পিতামহ। সুপ্রশস্ত স্বর্ণ-পথ দিয়া
চলিলা দিক্‌পাল-দল পরম হরষে।
দুই পাশে শোভে হৈম তরুসাজী, তাহে
মরকতময় পাতা, ফুল রত্ন-মালা,
ফল,—হায়, কেমনে বর্ণিব ফল-ছটা?
সে সকল তরুশাখা-উপরে বসিয়া
কলধরে গান করে পিকবরকুল
বিনোদি বিধির হিয়া। তরুসাজী-মাঝে
শোভে পদ্মরাগমণি-উৎস শত শত
বরষি অমৃত, যথা রতির অধর
বিষময়, বর্ষে, মরি, বাক্য-সুধা, তুঘি
কামের কর্ণকুহর! সুমন্ত্রদ সমীর—
সহ গন্ধ,—বিরিকির চরণ-যুগল
অরবিন্দে জন্ম যার—বহে অনুকূল
আমোদে পুরিয়া পুরী! কি ছার ইহার
কাছে বনস্থলীর নিশ্বাস, যবে আসি
বসন্তবিলাসী আলিঙ্গয়ে কামে মাতি
সে বনসুন্দরী, সাজাইয়া তার তনু
ফুল-আভরণে! চারি দিকে দেবগণ
হেরিলা অযুত হর্ষা রম্য, প্রভাকর,
সুমেধ নগেন্দ্র যথা—অতুল জগতে!
সে সদনে করে বাস ব্রহ্মপুরবাসী,
রম্য রম-উরসে যথা শ্রীনিবাস
মাধব! কোথায় কেহ কুসুম-কাননে,
কুসুম-আসনে বসি, স্বর্ণবীণা করে,
গাইছে মধুর গীত; কোথায় বা কেহ
ভ্রমে, সদানন্দ সম সদানন্দ মনে
মঞ্জু কুঞ্জে, বহে যথা পীযুষ-সলিলা^{১(১)}
নদী, কল কল রব করি নিরবধি,

পরি বক্ষস্থলে হেম-কমলের দাম;—
নাচে সে কনকদাম মলয়-হিল্লোলে,
উর্বশীর বক্ষে যথা মন্দারের মালা,
যবে নৃত্য-পরিশ্রমে ক্লাস্তা সীমন্তিনী
ছাড়েন নিশ্বাস ঘন, পুরী সুসৌরভে
দেভ-সভা! কাম—হায়, বিষম অনল
অন্তরিত!—হৃদয় যে দহে, যথা দহে
সাগর বাড়বানল! ক্রোধ বাতময়,
উথলে যে শোণিত-তরঙ্গ ডুবাইয়া
বিবেক! দুরন্ত লোভ—বিরাম-নাশক,
হায় রে, গ্রাসক যথা কাল, তবু সদা
অশনায় পীড়িত! মোহ-কুসুমভোর,
কিন্তু তোর শৃঙ্খল, রে ভব-কারাগার,
দৃঢ়তর! মায়ার অজ্ঞেয় নাগপাশ!
মদ—পরমন্তকারী, হায়, মায়-বায়ু,
ফাঁপায় যে হৃদয়, কুরস যথা দেহ
রোগীর! মাৎসর্য—যার সুখ, পরদুখে,
গরলকণ্ঠ!—এ সব দুষ্টি রিপু, যারা
প্রবেশি জীবনফুলে কীট যেন, নাশে
সে ফুলের অপভ্রংশ রূপ, এ নগরে
নারে প্রবেশিতে, যথা বিধাতা ভুজগ
মহৌষধাগারে। হেথা জিতেন্দ্রিয় সবে,
ব্রহ্মার নিসর্গধারী, নদচয় যথা
লভয়ে ক্ষীরতা বহি ক্ষীরোদ সাগরে।

হেরি সুনগর-কান্তি, ভ্রান্তিমদে মাতি,
ভুলিলা দেবেশ-দল মনের বেদনা
মহানন্দে! ফুলবনে প্রবেশিয়া, কেহ
ভুলিলা সুবর্ণফুল; কেহ, ক্ষুধাতুর,
পাড়িয়া অমৃতফল ক্ষুধা নিবারিলা;
কেহ পান করিলা পীযুষ-মধু সুখে;
সঙ্গীত-ভরসে কেহ কেহ রঙ্গে ঢালি
মনঃ, হৈম তরুস্থলে নাচিলা কৌতুকে।

এইরূপে দেবগণ ভ্রমিতে ভ্রমিতে
উভরিলা বিরিকির মন্দির-সমীপে
স্বর্ণময়; হীরকের স্তম্ভ সারি সারি
শোভিছে সন্মুখে, দেবচক্ষু যার আভা
ফণ সহিতে অক্ষয়! কে পারে বর্ণিতে

ভাষ্কার সদন বিশ্বস্তর সনাতন
ধিমি! কিছা কি আছে গো এ ভবমণ্ডলে
যার সহ তাহার তুলনা করি আমি!
মানব-কল্পনা কত পারে কি কল্পিতে
ধাতার বৈভব—যিনি বৈভবের নিধি?
দেখিলেন দেবগণ মন্দির-দুয়ারে
বসি সুকনকাসনে বিশদবসনা
ভক্তি—শক্তি-কুলেশ্বরী, পতিতপাবনী,
মহাদেবী। অমনি দিক্‌পাল-দল নমি
সাঁটাসে, পূজিলা মার রাজ্য পা দুখানি!
“হে মাতঃ,”—কহিলা ইন্দ্র কৃতাজ্জলিপুটে—
“হে মাতঃ, তিমিরে যথা বিনাশেন উষা,
কলুষনাশিনী তুমি! এ ভবসাগরে
তুমি না রাখিলে, হায়, ডুবে গো সকলে
অসহায়! হে জননি, কৈবল্যদায়িনি,^২
কৃপা কর আমা সবা প্রতি—দাস তব।”

তনি বাসরের স্তুতি, ভক্তি শতীশ্বরী
আশীষ করিলা দেবী যত দেবগণে
মৃদু হাসি; পাইলেন দিব্য চক্ষু সবে।
অপর আসনে পরে দেখিলা সকলে
দেবী আরাধনা,—ভক্তিদেবীর স্বজনী,
একপ্রাণা নৌহে। পুনঃ সাঁটাসে প্রণমি,
কহিতে লাগিলা শচীকান্ত কৃতাজ্জলি-
পুটে,—“হে জননি, যথা আকাশমণ্ডলী
নিবাদবাহিনী, তথা তুমি, শতীশ্বরী,
বিধাতার কর্ণস্থলে বহ গো সতত
সেবক-হৃদয়-বাণী। আমা সবা প্রতি
দয়া কর, দয়াময়ি, সদয় হইয়া।”

তনিয়া ইন্দ্রের বাণী, দেবী আরাধনা—
প্রসন্নবদনা মাতা—ভক্তিপানে চাহি,
—চাহে যথা সূর্য্যমুখী রবিচ্ছবি পানে—
কহিলা,—“আইস, ওগো সখি বিধুমুখি,
চল যাই লইয়া দিক্‌পাল-দলে যথা
পদ্মাসনে বিরাজেন ধাতা; তোমা বিনা
এ হৈম কপাট, সখি, কে পারে খুলিতে?”—
“খুলি এ কপাট আমি বটে; কিন্তু, সখি,”
(উত্তর করিলা ভক্তি) “তোমা বিনা বাণী
কায় তনি, কর্ণদান করেন বিধাতা?

চল যাই, হে স্বজনি, মধুর-ভাষিনি,—
খুলিব দুয়ার আমি; সদয় হৃদয়ে,
অবগত করাও ধাতারে, কি কারণে
আসি উপস্থিত হেথা দেবদল, তুমি।”

তবে ভক্তি দেবীশ্বরী সহ আরাধনা
অমৃত-ভাষিনী, লয়ে দেবপতিদলে
প্রবেশিলা মন্দগতি ধাতার মন্দিরে
নতভাবে। কনক-কমলাসনে তথা
দেখিলেন দেবগণ স্বয়ং লোকেশে!
শত শত ব্রহ্ম-ঋষি বসেন চৌদিকে,
মহাতেজা, তেজোভূষণে জিনি দিননাথে,
কাঞ্চন-কিরীট শিরে! প্রভা আভাময়ী,—
মহারূপবতী সতী,—দাঁড়ান সন্মুখে—
যেন বিধাতার হাস্যাবলী মূর্তিমতী!
তার সহ দাঁড়ান সুবর্ণবীণা করে,
বীণাপাণি, স্বরসুধা-বর্ষণে বিনোদি
ধাতার হৃদয়, যথা দেবী মন্দাকিনী
কলকল-রবে সদা তুধেন অচল—
কুল-ইন্দ্র হিমাচলে—মহানন্দময়ী!
শ্বেতভূজা, শ্বেতাজে^৩ বিরাজে পা দুখানি,
রক্তোৎপল-দল যেন মহেশ-উরসে;—
জগৎ-পূজিতা দেবী-কবিকুল-মাতা!

হেরি বিরিকির পাদ-পদ্ম, সুরদল,
অমনি শচী-রমণ সহ পঞ্চ জন—
নমিলা সাঁটাসে। তবে দেবী আরাধনা
যুড়ি কর কলধরে কহিতে লাগিলা;—

“হে ধাতঃ, জগত-পিতঃ, সেব সনাতন,
দয়াসিদ্ধ! সুখ উপসুন্ধানুর বলী,
দলি আদিত্যেয়-দলে বিষম সংগ্রামে,
বসিয়াছে দেবাসনে পামর সেবারি,
লগতও করি স্বর্ণ,—দাবানল যথা
বিনাশে কুসমে পশি কুসুমকাননে
সর্ব্বভুজ! রাজ্যচ্যুত, পরাকৃত রণে,
তোমার আশ্রয় চায় নিরাশ্রয় এবে
‘দেবদল,—নিদাঘার্ঘ্য পথিক যেমতি
তরুণ-পাশে আঘে আশ্রম-আশায়।—
হে বিতো জগৎদায়িনি,^৪ অযোনি আপনি,
জগদন্ত^৫ নিরন্তক,^৬ জগতের আদি

১ ইন্দ্র। ১(১) পীযুষ—অমৃত।

২ কৃতাজ্জলিনী।

৩ শ্বেতভূজা—শ্বেতপদ্ম।

৪ বিধাতার অস্ত ও ব্রহ্মার মতো।

৫ যার শেষ নেই।

অনাদি! হে সর্বব্যাপি, সর্বজ্ঞ, কে জানে
মহিমা তোমার? হায়, কাহার রসনা,—
দেব কি মানব,—গুণকীর্তনে তোমার
পারক? হে বিশ্বপতি, বিপদের জালে
বদ্ধ দেবকুলে, দেব, উদ্ধার গো আজি।”

এতক নিবেদি তবে দেবী আরাধনা
নীরব হইলা, নমি ধাতার চরণে
কুতাজলিপুটে। তনি দেবীর বচন—
কি ছার তাহার কাছে কাকলী-সহরী
মধুকালে?—উত্তর করিলা সনাতন-
ধাতা; “এ বারতা, বৎস, অবিন্দিত নহে।
সুন্দ উপসুন্দাসুর দেব-বলে বলী;
কঠোর তপস্যাক্ষেপে অজেয় জগতে।
কি অমর কিবা নর সমরে দুর্বীর
দোহে! ভ্রাতৃভেদ ভিন্ন অন্য পথ নাহি
নিবারিতে এ দানবদ্বয়ে। বায়ু-সখা
সহ বায়ু আক্রমিলে কানন, তাহারে
কে পারে রোধিতে,—কার পরাক্রম হেন?”

এতক কহিলা দেব দেব-প্রজাপতি।

অমনি করিয়া পান ধাতার বচন-
মধু, ব্রহ্ম-পুরী সুখতরঙ্গে ভাসিল
শোভিলা উজ্জ্বলতরে প্রভা আভাময়ী,
বিশাল-নয়না দেবী। অখিল জগত
পূরিল সুপরিমলে, কমল-কাননে
অযুত কমল যেন সহসা ফুটিয়া
দিল পরিমল-সুধা সুমন্দ অনিলে।
যথায় সাগর-মাঝে প্রবল পবন
বলে ধরি পোত, হায়, ডুবায়েছিল
তারে, শান্তি-দেবী তথা উতরি সত্বরে,
প্রবোধি মধুর ভাষে, শান্তিলা মারুতে।
কালের নব্বয় স্বাস-অনলে যেখানে
ভস্মময় জীবকুল (ফুলকুল যথা
নিদাঘে) জীবনামৃত-প্রবাহ সেখানে
বহিল, জীবন দান করি জীবকুলে,—
নিশির শিশির-বিন্দু সরসে যেমতি
প্রসূন, নীরস, মরি, নিদাঘ-জ্বলনে!
প্রবেশিলা প্রতি গৃহে মঙ্গল-দায়িনী
মঙ্গলা! সুশস্যে পূর্ণা হাসিলা বসুধা;—
প্রমোদে মোদিল^৭ বিশ্ব বিশ্বয় মানিয়া!

তবে ভক্তি শতীশ্বরী, সহ আরাধনা,
প্রফুল্লবদনা যথা কমলিনী, যবে
ত্ৰিষাম্পতি দিননাথ তাড়াই তিমিরে,
কনক-উদয়াচলে আসি দেন দেখা;—
লইয়া দিকপালদলে, যথা বিধি পূজি
পিতামহে, বাহিরিলা ব্রহ্মালয় হতে।

“হে বাসব,” কহিলেন ভক্তি মহাদেবী,
“সুরেন্দ্র, সতত রত থাক ধর্মপথে।
তোমার হৃদয়ে, যথা রাজেন্দ্র-মন্দিরে
রাজলক্ষী, বিরাজিব আমি হে সতত।”

“বিধুমুখী সখী মম ভক্তি শতীশ্বরী,”—
কহিলেন আরাধনা মৃদুমন্দ হাসি—
“বিরাজেন যদি সদা তোমার হৃদয়ে,
শচীকান্ত, নিতান্ত জানিও আমি তব
বশীভূতা! শশী যথা কৌমুদী সেখানে।
মণি, আভা, একপ্রাণা; লভ এ রতনে,
অযতনে আভা লাভ করিবে, দেবেশ!
কালিন্দীরে পান সিদ্ধ গঙ্গার সঙ্গমে।”

বিদায় হইলা তবে সুরদল, সেবি
দেবীদ্বয়ে। পরে সবে ভ্রমিতে ভ্রমিতে,
উতরিলা পুনঃ যথা পীযুষ-সলিলা
বহে নিরবধি নদী কলকল কলে—
সুবর্ণ-ভটিনী; যথা অমরী ব্রততী,
অমর সুতরুতুল; স্বর্ণকান্তি ধরি
ফুলকুল কোটে নিত্য সুনিকুঞ্জবনে,
ভরি সুসৌরভে দেশ। হৈম বৃক্ষমূলে,—
রঞ্জিত কুসুম-রাগে,—বসিলেন সবে।

কহিলা বাসব তবে ঈশ্বর হাসিয়া,—
“দিতিজ-ভুজ-প্রত্যাপে, ব্রণ পরিহারি,
আইলাম আমি সবে ধাতার সমীপে
ধায়ে রড়ে,—বিধির বিধান বোধাগম!
ভ্রাতৃভেদ ভিন্ন অন্য নাহি পথ; কহ,
কি বুঝ সঙ্কেত-বাক্যে, কহ, দেবগণ!
বিচার করহ সবে; সাবধানে দেখ
কি মর্ম ইহার! মুখে জল যদি থাকে,
তবু রাজহংসপতি পান করে তারে,
ভোগিয়া তোয়ঃ! কে কি বুঝ, কহ, তনি।”

উত্তর করিলা যম;—“এ বিষয়ে দেব
দেবেন্দ্র, স্বীকারি আমি নিজ অক্ষমতা।

বাহু-পরাক্রমে কর্ণ-নির্কর্ষাৎ যেখানে,
দেবনাথ, সেখা আমি। তোমার প্রসাদে
এই যে প্রচণ্ড দণ্ড, ব্রহ্মাণ্ডনাশক,
শিখেছি ধরিতে এরে; কিন্তু নাহি জানি
চালাইতে লেখনী, পশিতে শব্দার্ণবে
অর্ধরত্ন-লোভে—যেন বিন্যাস ধীর।”

“আমিও অক্ষম যম-সম” —উত্তরিলা
প্রভঞ্জন—“সাধিবারে তোমার এ কাজ,
বাসব! করীর কর যথা, পারি আমি
উপাড়িতে তরুবর, পাষণ চূর্ণিতে,
চিরধীর শৃঙ্গধরে বজ্রসম চোটে
অধীরিতে; কিন্তু নারি তুলিতে বাহিয়া
এ সূচি, হে নমুচিসূদন^৮ শচীপতি।”

উত্তর করিলা তবে হৃদ তারকারি
মৃদু স্বরে;—“দেহ, ওহে দেবকুলপতি,
দেহ অনুমতি মোরে, যাই আমি যথা
বসে সুন্দ উপসুন্দ,—দুরন্ত অসুর।
সুদ্বার্ষে আহ্বানি গিয়া ভাই দুই জনে।
তনি মোর শঙ্খধ্বনি কণ্ঠিবে অমনি
উভয়; কহিব আমি—‘তোমাদের মাঝে
বীরশ্রেষ্ঠ বীর যে, কিম্ব দেহ আসি।’
ভাই ভাই বিরোধ হইবে এ হইলে।
সুন্দ কহিবের আমি বীর-চুড়ামণি;
উপসুন্দ এ কথায় সায় নাহি দিবে
অভিমান। কে আছে গো, কহ, দেবপতি,
ঐধীকুলে, স্বীকারে যে আপন ন্যূনতা?
ভাই ভাই বিবাদ হইলে, একে একে
বধিব উভয়ে আমি বিধির প্রসাদে—
বধে যথা বারণারি বারণ-ঈশ্বরে।”

তনি সেনানীর বাণী, ঈশ্বর হাসিয়া
কহিতে লাগিলা দেব যক্ষকুল-রাজা
ধনেশ;—“যা কহিলেন হৈমবতীসুত,
কৃত্তিকাকুলবল্লভ, মনে নাহি লাগে।
কে না জানে ফণী সহ বিষ চিরবাসী?
দংশিলে ভুজঙ্গ, বিষ-অশনি অমনি
বায়ুগতি পশে অঙ্গে—দুর্বার অনল।
যথায় যুঝিবে সুন্দাসুর দুষ্টমতি,
নিষোধিবে অসি তথা উপসুন্দ বলী
সহকারী; উভয়ের বিক্রম উভয়।

বিশেষতঃ, কূট-যুদ্ধে দৈত্যদল রত।
পাইলে একাকী তোমা, হে উম্মাকুমার,
অবশ্য অন্যায়যুদ্ধ করিবে দানব
পাপাচার। বৃথা তুমি পড়িবে সম্মটে,
বীরবর! মোর বাণী শুন, দেবপতি
মহেন্দ্র; আদেশ মোরে, ধনজালে বেড়ি
বধি আমি—যথা ব্যাধ বধয়ে শার্ঙ্গুল,
আনায়-মাঝারে তারে আনিয়া কৌশলে—
এ দুষ্ট দনুজ দোহে! অবিন্দিত নহে,
বসুমতী সতী মম বসু-পূর্ণাগার,
যথা পঙ্কজিনী ধনী ধরয়ে যতনে
কেশর-মদন অর্ধ। বিবিধ রতন—
তেজঃপুঞ্জ, নয়নরঞ্জন, রাশি রাশি,
দেহ আজ্ঞা, দেব, দান করি দানবেরে।
করি দান সুবর্ণ—উজ্জ্বল বর্ণ, সহ
রজত, সুশ্বেত যথা দেবী শ্বেতভুজা।
ধনলোভে উনুস্ত উভয় দৈত্যপতি,
অবশ্য বিবাদ করি মরিবে অকালে—
মরিল যেমতি হৃদ্দি, হায়, মন্দমতি!
সহ সুপ্রতীক ভ্রাতা শোভী বিভাবসু!”

উত্তর করিলা তবে জলেশ বরুণ
পানী;—“যা কহিলে সত্য, যক্ষকুলপতি,
অর্ধে লোভ; লোভে পাপ; পাপ—নাশকারী।
কিন্তু ধন কোথা এবে পাবে, ধনপতি?
কোথা সে বসুধা শ্যামা, সুবসুধারিনী?
তোমার? তুলিলে কি গো, আমরা সকলে
দীন, পত্রহীন তরু হিমালীতে যথা,
আজি! আর আছে কি গো সে সব বিভব?
আর কি—কি কাজ কিন্তু এ মিছা বিলাপে?
কহ, দেবকুলনিধি, কি বিধি তোমার?”

কহিতে লাগিলা তবে দেব পুরন্দর
অসুরারি;—“ভাসি আমি অজ্ঞাত সলিলে
কর্ণধার, ভাবনায় চিন্তায় আকুল,
নাহি দেখি অনুকূল কুল কোন দিকে!
কেমনে চালাব তরী বুঝিতে না পারি?
কেমনে হইব পার অপার সাগর?
শূন্যতুণ আমি আজি এ ঘোর সমরে।
বজ্রাপেক্ষা তীক্ষ্ণ মম গ্রহরণ যত,
তা সকলে নিবারিল এ কাল সংগ্রামে

অসুর। যখন দুই ভাই দুই জন
আরজিলা তপঃ, আমি পাঠানু যতনে
সুকেশিনী উর্বশীয়ে; কিন্তু দেববলে
বিফলবিপ্রমা বামা লজ্জায় ফিরিল,—
গিরিদেহে বাজি যথা রাজীব! সতত
অধীর সুধীর ঋষি যে মধুর হাসে,
শোভিল সে বৃথা, হায়, সৌদামিনী যথা
অক্লজন প্রতি শোভে বৃথা প্রজ্বলনে!
যে কেশে নিগড় সদা গড়ে রতিপতি;
যে অপাঙ্গবিধানলে জ্বলে দেব-হিয়া;—
নারিল সে কেশপাশ বাঁধিতে দানবে!
বিফল সে বিধানল, হলাহল যথা
নীলকণ্ঠ-কণ্ঠদেশে! কি আর কহিব,—
বৃথা মোরে জিজ্ঞাসহ, জলদলপতি।”

এতেক কহিয়া দেব দেবেন্দ্র বাসব
নীরবিলা, আহা, মরি, নিশ্বাসি বিষাদে!
বিষাদে নীরব দেখি পৌলোমীরঞ্জে
মৌনভাবে বসিলেন পঞ্চদেব রথী।

হেন কালে—বিধির অদ্ভুত লীলাখেলা
কে পারে বুঝিতে পো এ ব্রহ্মাণ্ডমণ্ডলে?
হেন কালে অকস্মাৎ হইল দৈববাণী।
“আনি বিশ্বকর্মা, হে দেবগণ, গড়
বামায়—অঙ্গনাকুলে অতুল্য জগতে
ত্রিলোকে আছয়ে যত স্বাকর, অঙ্গম,
ভূত, তিল তিল সবাই হইতে লইয়া,
সৃজ এক প্রমদারে—ভব-প্রমোদিনী।
তাহতে হইবে নষ্ট দুই অমরারি।”

তবে দেবপতি, শুনি আকাশ-সম্ভবা-
ভারতী, পবন পানে চাহিয়া কহিলা,—
“যাও তুমি, আন হেথা, বায়ুকুল-রাজা,
অবিলম্বে বিশ্বকর্মা, শিল্পীকুলরাজে।”

শুনি দেবেন্দ্রের বাণী, অমনি তখনি
প্রভঞ্জন শূন্যপথে উড়িলা সুমতি
আতপঃ^{১০}—কাঁপিল বিশ্ব ধর ধর করি
আতঙ্কে, প্রমাদ গণি অস্থির হইলা
জীবকুল, যথা যবে প্রলয়ের কালে,
টঙ্কারি পিনাক^{১১} রোষে পিনাকী ধূজটি^{১২}

বিশ্বনাশী পাতপত^{১০} ছাড়েন ছুঁকারে।

চলি গেলা পবন, পবনবেগে দেব
শূন্যপথে। হেথা ব্রহ্মপুরে পঞ্চজন
ভাসিলা—মানস-সরে রাজহংস যথা—
আনন্দ-সলিলে সদানন্দের সদনে!
যে যাহা ইচ্ছিলা তাহা পাইলা তখনি।
যে আশা, এ ভবমরুদেশে মরীচিকা,
ফলবতী নিরবধি বিধির আলয়ে!
মাগিলেন সুধা শচীকান্ত শান্তমতি;
অমনি সুধালহরী বহিল সম্মুখে
কলরবে। চাহিলেন ফল জলপতি;
রাশি রাশি ফল আসি সুবর্ণ-বরণ—
পড়িল চৌদিকে। যাচিলেন ফুল দেব-
সেনানী; অযুত ফুল, তবকে তবকে
বেড়িল তরেন্দ্রে যথা চন্দ্রে তারাবলী।
রত্নাসন মাগি তাহে বসিলা কুবের—
মণিময় শেখের অশেষ মেহোপরি
শোভিলেন যেন পীতাম্বর চিত্তামণি।
প্রমিতে লাগিলা যম মহাকুটমতি,
যথা শরদের কালে গগনমণ্ডলে,
পবন-বাহনারোহী, ভ্রমে কুতূহলী
মেঘেন্দ্র, রজনীকান্ত-রজঃকান্তি হেরি,—
হেরি রত্নাকারা তারা,—সুখে মঙ্গলতি!
এড়াইয়া ব্রহ্মপুরী, বায়ুকুল-রাজা
প্রভঞ্জন,^{১৩} বায়ুবেগে চলিলেন বলী
যথায় বসেন বিছোপান্তে মহামতি
বিশ্বকর্মা। বাতাকারে উড়িলা সুরধী
শূন্যপথে, উখলিয়া নীরাধর যেন
নীল অম্বরশি। কত দূরে ত্রিষাশপতি
দিনকান্ত রবিলোকে অস্থির হইলা
ভাবি দৃষ্ট রাহু বুঝি আইল অকালে
মুখ মেলি। চন্দ্রলোকে রোহিণীবিলাসী^{১৪}
সুধানিধি, পাণ্ডুবর্ণ আতঙ্কে ঋরিয়া
দূরন্ত বিনতাসুতে,^{১৫}—সুধা-অভিলাষী!
মুদ্রিলা নয়ন হৈম তারাগুল ভয়ে,
ভৈরব দানবে হেরি যথা বিদ্যাধরী,
পঙ্কজিনী তমঃপুঞ্জ; বাসুকির শিরে

কাঁপিলা ভীক বসুধা; উঠিলা গর্জিয়া
সিদ্ধ, হস্তে রত সদা, চির-বৈরি হেরি;^{১৬}
সাজিল তরঙ্গ-দল রণ-রঙ্গ মাতি।

এ সবে পচাতে রাখি আঁধির নিশিবে
চলি গেলা আতপতি। ঘন ঘনাবলী
ধায় আগে রড়ে রড়ে, ভূত-দল যথা
ভূত-নাথ সহ। একে একে পার হয়ে
সত্ত অন্ধি,^{১৭} চলিলা মরুৎকুলনিধি
অবিশ্রান্ত, ক্রান্তি, শান্তি, সবে অবহেলি
চলে যথা কাল। কত দূরে বমপুরী
ভয়ঙ্করী দেখিলেন ভীম সদাগতি।^{১৮}
কোন স্থলে হিমালীতে কাঁপে ধরধরি
পাণি-প্রাণ, উচ্চৈঃস্বরে বিলাপি দুর্ধতি,—
কোন স্থলে কালাগ্নেয়-প্রাচীর-বেষ্টিত
কালাগারে জ্বলে কেহ হাহাকার রবে
নিরবধি; কোথাও বা ভীম-মূর্তি-ধারী
যমদূত গ্রহরয়ে চও দণ্ড শিরে
অদয়; কোথাও শত শকুনি-মণ্ডলী
বজ্রনখা, বিনরিয়া বক্ষঃ মহাবলে,
ছিন্ন ছিন্ন করে অস্থ; কোথাও বা কেহ,
ভ্রাম্য আকুল, কাঁদে বসি নদী-তীরে,
করিয়া শত মিনতি বৈতরণী-পরে
বৃথা,—না চাহেন দেবী দুরাচার পানে,
তপস্বিনী ধনী যথা—নয়নরমণী—
কত নাহি কর্ণদান করে কামাতুরে—
জিতেদ্রিয়া! কোথাও বা হেরি লক্ষ লক্ষ
উপাসেয় তক্ষদ্রব্য, কুধাতুর প্রাণী
মাগে তিক্ষা তক্ষণ—রাজেন্দ্র-দ্বারে যথা
দরিদ্র,—গ্রহরী-বেত্র-আঘাতে শরীর
জরজর। সতত অগণ্য প্রাণিগণ
আসিতেছে দ্রুতগতি চারি দিক হতে,
ঝাঁকে ঝাঁকে আসে যথা পতঙ্গের দল
দেখি অগ্নিশিখা,—হায়, পুড়িয়া মরিতে!
নিম্পৃহ এ লোকে বাস করে লোক যত।
হায় রে, যে আশা আসি তোষে সর্বজনে
জগতে, এ দূরন্ত অস্তকপুরে গতি—

রোধ তার! বিধাতার এই যে বিধান।
মরুৎস্থলে প্রবাহিণী কত নাহি বহে।
অবিরামে কাটে কীট; পারক না নিবে।
শত-সিদ্ধ-কোলাহল জিনি, দিবানিশি,
উঠয়ে ক্রন্দনধ্বনি—কর্ণ বিদরিয়া।

হেরি শমনের পুরী, বিশ্বয় মানিয়া
চলিলা জগৎপ্রাণ পুনঃ দ্রুতগতি
যথায় বসেন দেব-শিল্পী। কতক্ষণে
উত্তরমেহুতে বীর উত্তরিলা আসি।
অদূরে শোভিল বিশ্বকর্মার সদন।
ঘন ঘনাকার ধূম উড়ে হর্ষোপরি,
তাহার মাঝারে হৈম গৃহায় অযুত
দ্যোতে, বিন্দুতের রেখা অচঞ্চল যেন
মেঘাবৃত আকাশে, বা বাসবের ধনু
মণিময়! প্রবেশিয়া পুরী বায়ুপতি
দেখিলেন চারি দিকে ধাতু রাশি রাশি
শৈলাকার; মূর্তিমান দেব বৈদ্যানরে।^{১৯}
পাই সোহাগায় সোণা গলিছে সোহাগে
প্রেম-রসে; বাহিরিছে রজত গলিয়া
পুটে, বাহিরায় যথা বিমল-সলিল-
প্রবাহ, পর্বত-সানু-উপরি যাহারে
শালে কাদম্বিনী ধনী; পৌহ, যার তনু
অক্ষয়, তাপিলে অগ্নি, মহারাগে ধাতু
জ্বলে অগ্নিসম তেজ,—অগ্নিকুণ্ডে পড়ি
পুড়িছে,—বিষম জ্বালা যেন ঘৃণা করি,—
নীরবে শোকাগ্নি যথা সহে বীর-হিয়া।

কাঞ্চন-আসনে বসি বিশ্বকর্মা দেব,
দেব-শিল্পী, গড়িছেন অপূর্ণ গড়ন,
হেন কালে তথায় আইলা সদাগতি।
হেরি প্রভঞ্নে দেব অমনি উঠিয়া
নমস্কারি বসাইলা রত্ন-সিংহাসনে।

“আপন কুশল কহ, বায়ুকুলেশ্বর,”
কহিতে লাগিলা বিশ্বকর্মা—“কহ, বলি,
স্বর্গের বারতা। কোথা দেবেন্দ্র কুলিনী?
কি কারণে, সদাগতি, গতি হে তোমার
এ বিজন দেশে? কহ, কোন বরাসনা—

১০ দ্রুতগতি। ১১ মহাদেবের ধনুক। ১২ মহাদেব।

১৩ মহাদেব যা পতপতির বিধে প্রলয় ঘটাবার অস্ত্র। ১৪ পবন।

১৫ রোহিণী নক্ষত্রের দ্বারা চন্দ্র—পৌরনিক বিশ্বাস। ১৬ বিনতাসুত—গরুড়পক্ষী।

১৭ সমুদ্র ও বায়ুর মধ্যে শত্রুসম্বন্ধ, গ্রীক, পৌরনিক বিশ্বাসের দ্বারা মধুসূদনের এই কল্পনা প্রভাবিত। এই
প্রসঙ্গের উল্লেখ নানাভাবে বিভিন্ন কাব্যে বহুবার ঘটেছে। ১৮ সমুদ্র।

১৯ ধর্মালয়ের বর্ণনায় ভার্জিলের ‘ইনিড’ এবং দ্যান্টের ‘ডিভাইন কমেডি’র প্রভাব পড়েছে। মেঘনাদবধ-কাব্যে এ
বর্ণনা অনেক পরিণত এবং কতকটা মৌলিকতার লক্ষণযুক্ত।

২০ বিশ্বকর্মার পুরীর বর্ণনায় হোমারের ‘ইলিয়াডে’ বর্ণিত ‘হেল্পাদাসটাস’ের কর্মশালায় ছবির প্রভাব পড়েছে।

দেবী কি মানবী—এবে ধরিয়াছে, তোমা
পাতি পীরিতের ফাঁদ? কহ, যত চাহ,
নিব আমি অলঙ্কার,—অতুল জগতে!
এই দেখ নুপুর; ইহার বোল শুনি
বীণাপানি-বীণা দেব, ছিন্তা-তার, খেদে!
এই দেখ সুমেখলা;^{২১} দেখি ভাব মনে,
বিশাল নিতম্ববিধে কি শোভা ইহার!
এই দেখ মুক্তাহার; হেরিলে ইহারে
উরজ^{২২}-কমলযুগ-মাঝারে, মনোজ^{২৩}
মঞ্জে গো আপনি! এই দেখ, দেব, সিঁথি;
কি ছার ইহার কাছে, ওরে নিশীথিনি,
তোর তারাময় সিঁথি! এই যে কঙ্কণ
খচিত রতনবৃন্দে, দেখ, গঙ্গবহ।
প্রবাল-কুণ্ডল এই দেখ, বীরমণি;—
কি ছার ইহার কাছে বনস্থলী-কাণে
পলাশ,—রমণী-মনোরমণ ভূষণ!
আর আর আছে যত, কি কব তোমারে?”

হাসিয়া হাসিয়া যদি এতেক কহিলা
বিশ্বকর্মা, উত্তর করিলা মহামতি
স্থশন, নিশ্বাস বীর ছাড়িয়া বিদ্যাদে;—
“আর কি আছে গো, দেব, সে কাল এখন?
বিশ্বোপাশ্তে তিমির-সাগর-তীরে সদা
বস তুমি, নাহি জান রণের দুর্ভাগ্য!
হায়, দৈত্যকুল এবে, প্রবল সমরে,
লুটিছে ত্রিদশালয় লণ্ডভণ্ড করি,
পামর! স্বরেন তোমা দেব অসুরারি,
শিল্পিবর; তেঁই আমি আইনু সত্বরে।
চল, দেব, অবিলম্বে; বিলম্ব না সহে।
মহা ব্যগ্র ইন্দ্র আজি তব দরশনে।”

শুনি পবনের বাণী, কহিতে লাগিলা
দেব-শিল্পী—“হায়, দেব, এ কি পরমাদ^{২৪}!
দিতিজকুল উজ্জ্বলি, কোন্ মহারথী
বিমুখিলা দেবরাজে সমুখ-সমরে
বলে? কহ, কার অস্ত্রে রোধ গতি তব,
সদাগতি? কে ব্যথিল তীক্ষ্ণ প্রহরণে
যমে? নিরস্ত্রিল কেবা জলেশ পাশীরে?
অলকানাথের গদা-শৈল-চূর্ণ-কারী?
কে বিধিল, কহ, হায়, খরতর শরে
মহুর-বাহনে? এ কি অন্তত কাহিনী!
কোথায় হইল রণ? কিসের কারণে?

মরে যবে সমরে তারক মন্দমতি,
তদবধি দৈত্যাদল নিস্তেজ-পাবক,—
বিশ্বহীন ফণী; এবে প্রবল কেমনে?
বিশেষ করিয়া কহ, শুনি, শ্রমণি।
উত্তরমেরুতে সদা বসতি আমার
বিশ্বোপাশ্তে। ওই দেখ তিমির-সাগর
অকুল, পর্বতাকার যাহার লহরী
উথলিছে নিরবধি মহা কোলাহলে।
কে জানে জল কি স্থল? বুঝি দুই হবে।
লিখিলা এ মেরু খাতা জগতের সীমা
সৃষ্টিকালে; বসে তমঃ দেখ ওই পাশে।
নাহি যান প্রভাদেবী তাহার সদনে,
পানীর সদনে যথা মঙ্গল-দায়িনী
লক্ষ্মী। এত দূরে আমি কিছু নাহি জানি;
বিশেষ করিয়া কহ সকল বারতা।”

উত্তর করিলা তবে বায়ু-কুলপতি—
“না সহে বিলম্ব হেথা, কহিনু তোমারে,
শিল্পিবর, চল যথা বিরাজেন এবে
দেবরাজ; শুনিবে গো সকল বারতা
তাঁর মুখে। কোন্ সুখে কব, হায়, আমি,
সিংহদল-অপমান শৃগালের হাতে?
স্বরিলে ও কথা দেহ জ্বলে কোপানলে!
বিধির এ বিধি তেঁই সহি মোরা হবে
এ লাঞ্ছনা। চল, দেব, চল শীঘ্রগতি।
আজি হে তোমার ভার উদ্ধার করিতে
দেব-বংশ,—দেবরিপু ধ্বংসি স্বকৌশলে।”

এতেক কহিয়া দেব বায়ু-কুলপতি
দেব দেব-শিল্পী সহ উঠিলা আকাশে
বায়ুবেগে। ছাড়াইয়া কৃতান্ত-নগরী,
বসুধা বাসুকি-প্রিয়া, চন্দ্র সুধানিধি,
সূর্যালোক, চলিলেন মনোরথগতি
দুই জন; কত দূরে শোভিল অঘরে
স্বর্ণময়ী ব্রহ্মপুরী, শোবেন যেমতি
উমাপতি-কোলে উমা হৈমকিরীটিনী।
শত শত গৃহচূড়া হীরক-মণ্ডিত
শত শত সৌধশিখরে ভাতে সারি সারি
কাঞ্চন-নির্মিত। হেরি ধাতার সদন
আনন্দে কহিলা বায়ু দেব-শিল্পী প্রতি;—

“ধন্য তুমি দেবকূলে, দেব-শিল্পি শুনি!
তোমা বিনা আর কার সাধ্য নির্বাহিতে

এ হেন সুন্দরী পুরী—নয়ন-রঞ্জিনী।”
“ধাতার প্রসাদে, দেব, এ শক্তি আমার”—
উত্তরিলা বিশ্বকর্মা—“তাঁর গুণে গুণী,
গড়ি এ নগর আমি তাঁহার আদেশে।
যথা সরোবর-জল বিমল, তরল,
প্রতিবিম্ব নীলাধর তারাময় শোভা
নিশাকালে, এই রমা প্রতিমা প্রথমে
উদয়ে ধাতার মনে,—তবে পাই আমি।”

এইরূপ কথোপকথনে দেবদ্বয়
প্রবেশিলা ব্রহ্মপুরী—মন্দগতি এবে।
কত দূরে হেরি দেব জীমূতবাহন
বজ্রপাণি, সহ কার্তিকেয় মহারথী,
পাশী, তপনতনয়, মুরজা-বল্লভ
যক্ষরাজ, শীত্রেগামী দেব-শিল্পী দেব
নিকটিয়া, করপুটে প্রণাম করিলা
যথা বিধি। দেখি বিশ্বকর্মায় বাসব
মহোদয় আশীষিয়া কহিতে লাগিলা,—
“স্বাগত, হে দেব-শিল্পি! মরুভূমে যথা
তৃষাকুল জন সুখী সলিল পাইলে,
তব দরশনে আজি আনন্দ আমার
অসীম! স্বাগত, দেব, শিল্পি-চূড়ামণি!
দৈববলে বলী দুই নানব, দুজ্জয়
সমরে, অমরপুরী প্রাসিয়াছে আসি,
হায়, প্রাসে রাহ যথা সুধাংশু-মণ্ডলী!
ধাতার আদেশ এই তন মহামতি।
‘আনি বিশ্বকর্মায়, হে দেবগণ, গড়
বামায়, অঙ্গনাকূলে অতুলা জগতে।
ত্রিলোকে আছ যে যত স্বাবর, জঙ্গম,
ভূত, সব হইতে লইয়া তিল তিল,
সৃজ এক প্রমদারে—ভবপ্রমোদিনী।
তাহা হতে হবে নষ্ট দুই অমরারি।”

শুনি দেবেশ্বরের বাণী শিল্পীশ্র অমনি
নমিয়া দিক্‌পালদলে বসিলেন ধ্যানে;
নীরবে বেড়িলা দেবে যত দেবপতি।

আরঞ্জিয়া মহাতপঃ, মহামন্ত্রবলে
আকর্ষিলা স্বাবর, জঙ্গম, ভূত যত
ব্রহ্মপুরে শিল্পিবর। যাহারে স্বরিলা
পাইলা তখনি তারে। পঙ্কজ লয়ে
গড়িলেন বিশ্বকর্মা রাজ্য পা দুখানি।
বিদ্যুতের রেখা দেব লিখিলা তাহাতে
যেন লাক্ষারস-রাগ। বনস্থল-বধু

রজা উরুদেশে আসি করিলা বসতি;
সুমধ্যম মৃগরাজ দিলা নিজ মাঝা;
খগোল নিতম্ব-বিম্ব; শোভিল তাহাতে
মেখলা, গগনে, মরি, ছায়াপথ যথা।
গড়িলেন বাহু-যুগ লইয়া মৃণালে।
দাড়িয়ে কদম্বে হৈল বিষম বিবাদ;
উভয়ে চাহিল আসি বাস করিবারে
উরস-আনন্দ-বনে; সে বিবাদ দেখি
দেব-শিল্পী গড়িলেন মেরু-শৃঙ্গাকারে
কুচযুগ। তপোবলে শশাঙ্ক সুমতি
হইলা বদন দেব অকলঙ্ক ভাবে;
ধরিল কবরীরূপ কাদম্বিনী ধনী,
ইন্দ্রচাপে বানাইয়া মনোহর সিঁথি।
জ্বলে যে তারা-রতন উষার ললাটে,
তেজঃপুঞ্জ, দুইখান করিয়া তাহারে
গড়াইলা চক্ষুদ্বয়, যদিও হরিণী
রাখিলেক দেবগণে আনি নিজ আঁখি।
গড়িলা অধর দেব বিশ্বকল দিয়া,
মাখিয়া অমৃতরসে; গজ-মুক্তাবলী
শোভিল রে দন্তরূপে বিশ্ব বিমোহিয়া।
আপনি রতি-রঞ্জন নিজ ধনু ধরি
ভুরুছলে বসাইলা নয়ন উপরে;
তা দেখিয়া বিশ্বকর্মা হাসি কাড়ি নিলা
তৃণ তাঁর; বাছি বাছি সে তৃণ হইতে
খরতর ফুল-শর, নয়নে অর্পিলা
দেব-শিল্পী। বসুন্ধরা নানা রত্ন-সাজে
সাজাইলা বরবপু, পুষ্পলাবী যথা
সাজায় রাজেন্দ্রবালা কুসুমভূষণে।
চম্পক, পঙ্কজপর্ণ, সুবর্ণ চাহিল
দিতে বর্ণ বরাদ্দনে; এ সবারে তাজি,—
হরিতালে শিল্পিবর রাগিলা সুতনু!
কলরবে মধুদূত কোকিল সাখিল
দিতে নিজ মধু-রব; কিন্তু বীণাপাণি,
আনি সঙ্গে সঙ্গে রাগ-রাগিণীর কুল,
রসনায় আসন পাতিলা বাগীশ্বরী!
অমৃত সঞ্চারি তবে দেব-শিল্পি-পতি
জীবাইলা কামিনীরে;—আহা, মূর্তিমতী!

হেরি অপরূপ কান্তি আনন্দ-সলিলে
তাসিলেন শটীকান্ত; পবন অমনি,
প্রফুল্ল কমলে যেন পাইয়া, হমিলা
সুধনে! মোহিত কামে মুরজামোহন,

মনে মনে ধন-প্রাণ সঁপিলা বামারে!
শান্ত জলনাথ যেন শান্তি-সমাগমে!
মহাসুখী শিখিধ্বজ, শিখিবর যথা
হেরি তোরে, কাদখিনি, অনন্তরতলে!
তিমির-বিলাসী যম হাসিয়া উঠিলা,
কৌমুদিনী-প্রমদায় হেরি মেঘ যথা
শরদে! সাবাসি, ওহে দেব-শিল্পি গুণি!
ধাতাবরে, দেববর, সাবাসি তোমারে!

হেন কালে,—বিধির অঙ্কিত লীলাখেলা
কে পারে বুঝিতে গো এ ব্রহ্মাণ্ড-মণ্ডলে;—
হেন কালে পুনর্বার হৈল দৈববাণী;—
“পাঠাও, হে দেবপতি, এ রমা বামারে,
(অনুগম্য বামাকুলে)—যথা অমরারি
সুন্দ উপসুন্দাসুর; আদেশ অনঙ্গে
যাইতে এ বরাজনা সহ সঙ্গে মধু
ঋতুরাজ। এ রূপের মাধুরী হেরিয়া

কাম-মদে মাতি দৈত্য মরিবে সঙ্গ্রামে!
তিল তিল লইয়া গড়িলা সুন্দরী
দেব-শিল্পী, তেঁই নাম রাখ তিলোত্তমা।” —

তনিয়া দেবেদ্রগণ আকাশ-সঙ্ঘা
সরস্বতী-ভারতী, নমিলা ভক্তিভাবে
সাঁটাজে। তৎপরে সবে প্রশংসা করিয়া
বিদায় করিলা বিশ্বকর্মা শিল্পী-দেবে।
প্রণমি দিকপাল-দলে বিশ্বকর্মা দেব
চলি গেলা নিজ দেশে। সুখে শচীপতি
বাহিরিলা, সঙ্গে ধনী অতুলা জগতে,—
যথা সুরাসুর যবে অমৃত বিলাসে
মখিলা সাগরজল, জলদলপতি
ভুবন-আনন্দময়ী ইন্দিরার সাথে।^{২৫}

ইতি শ্রীতিলোত্তমাসম্বন্ধে কাব্যে সম্ব্যো নাম
তৃতীয় সর্গ।

চতুর্থ সর্গ

সুবর্ণ-বিহঙ্গী যথা, আদরে বিস্তারি
পাখা,—শত্রু-ধনু কাণ্ডি আভাষ-যাহার
মলিন—যতনে ধনী শিখায় শাবকে
উড়িতে, হে জগদমহে, অমর-প্রদেশে;—
দাসেরে করিয়া সঙ্গে সঙ্গে আজি তুমি
ভ্রমিয়াছ নানা স্থানে; কাতর সে এবে,
কুলায়ে লয়ে তাহারে চল, গো জননি!
সফল জনম মম ও পদ-প্রসাদে,
দয়াময়ি! যথা কুন্তী-নন্দন পৌরব,
ধীর যুধিষ্ঠির, সশরীরে মহাবলী
ধর্মবলে প্রবেশিলা স্বর্গ,^২ তব বরে
দীন আমি দেখিনু, মানব-আঁপি কড়ু
নাহি দেবিয়াছে যাহা; তনিনু ভারতী,
তব বীণা-ধ্বনি বিনা অতুলা জগতে!
চল ফিরে যাই যথা কুসুম-কুন্তলা
বসুধা। কল্পনা,—তব হেমাসী সঙ্গিনী,—
দান করিয়াছে যারে তোমার আদেশে
দিব্য-চক্ষু, ভুল না, হে কমল-বাসিনি,

রসিতে রসনা তার তব সুধা-রসে!
বরষি সখীতামৃত-মনীষী তুঘিবে,—
এই ভিক্ষা করে দাস, এই দীক্ষা মাগে
যদি গুণগ্রাহী যে, নিদাঘ-রূপ ধরি,
আশার মুকুল নাশে এ চিত্তকাননে,
সেও ভাল; অধমে, মা, অধমের গতি!—
ধিক সে যাচ্ছা,—ফলবতী নীচ কাছে!

মহানন্দে মহেন্দ্রে সৈন্যে মহামতি
উতরিলা যথা বসে বিদ্যা গিরিবর
কামরূপী,—হে অগস্ত্য, তব অনুরোধে
অন্যাপি অচল!^২ শত শত শৃঙ্গ শিরে,
বীর বীরভদ্র-শিরে জটাজুট যথা
বিকট; অশেষ দেহ শেষের যেমনি।
দ্রুতগতি শূন্যপথে দেবরথ, রথী,
মাতঙ্গ, তুরঙ্গ, যত চতুরঙ্গ-দল
আইলা, কঙ্কক^৩ তেজঃপুঞ্জ উজ্জলিয়া
চারি দিক! কাম্য নামে নিবিড় কানন—
খাণ্ডব-সম, (পাণ্ডব ফাটুনির গুণে

দহি হবির্কর্ক^৪ যাহে নীরোগী হইলা)^৫ —
সে কাননে দেবসেনা প্রবেশিল বলে
প্রবল। আতঙ্কে পত, বিহঙ্গম আদি
আত পলাইল সবে ঘোরতর রবে,
যেন দাবানল আসি, গ্রাসিবার আশে
বনরাজী, প্রবেশিল সে গহন বনে!—
কাতারে কাতারে সেনা প্রবেশিল আসি
অরণ্যে, উপাড়ি তরু, উপাড়ি ব্রততী,
ঝড় যথা, কিম্বা করিমুখ, মস্ত মদে।
অধীর সন্তোষে বীর বিদ্যা মহীধর,
শীঘ্র আসি শচীকান্ত-নমুচিসুন্দ-
পদতলে নিবেদিল কৃতাজ্ঞাপিণ্ডে,—
“কি কারণে, দেবরাজ, কোন্ অপরাধে
অপরাধী তব পদে কিঙ্কর? কেমনে
এ অসহ ভার, প্রভু, সহিবে এ দাস?
পাঞ্চজন্য-নিদাঘ প্রবলি বলিরে
বামনরূপে যেরূপ, হায়, পাঠাইলা
অতল পাতালে তারে,^৬ সেই রূপ বুঝি
ইচ্ছা তব, সুরনাথ, মজাইতে দাসে
রসাতলে!” উত্তরিলা হাসি দেবপতি
অসুরারি;—“যাও, বিদ্যা, চলি নিজ স্থানে
অভয়ে; কি অপকার তোমার সম্বন্ধে
মোর হাতে? ভুলবলে নাশিয়া দিতিজ্ঞে
আজি, উপকার, গিরি, তোমার করিব,
আপনি হইব মুক্ত বিপদ হইতে;—
তেঁই হে আইনু মোরা তোমার সদনে।”

হেন মতে বিদাইয়া বিদ্যা মহাচলে,
দেব-সৈন্য-পানে চাহি কহিলা গঞ্জীরে
বাসব; “হে সুরদল; ত্রিদিব-নিবাসি,
অমর! হে দিতিসুত গর্ব-খর্বকারি!
বিধির নিকর্ককে, হায়, নিরানন্দ আজি
তোমা সবে! রণ-স্থলে বিমুখ যে রথী,
কত যে ব্যথিত সে তা কে পারে বর্ণিতে?
কিন্তু দুঃখ দূর এবে কর, বীরগণ!
পুনরায় জয় আসি আত বিরাজিবে
এ দেব-কেতনোপরে। ঘোরতর রণে
অবশ্য হইবে ক্ষয় দৈত্যচর আজি।

দিয়াছি মদনে আমি, বিধির প্রসাদে,
যে শর,—কে সম্বরিবে সে অব্যর্থ শরে?
লয়ে তিলোত্তমায়—অতুলা ধনী রূপে—
ঋতুপতি সহ রতিপতি সর্ব-জয়ী
গেছে চলি যথায় নিবাসে দেব-অরি,
দানব! থাকহ সবে সুসজ্জ হইয়া।
সুন্দ উপসুন্দ যবে পড়িবে সমরে,
অমনি পশিব মোরা সবে দৈত্যদেশে
বায়ুগতি, পশে যথা মদকল করী
নলবনে, নলদলে দলি পদতলে।”

তনি সুরেন্দ্রের বাণী, সুরসৈন্য যত
হুহুকারি নিকোখিলা অগ্নিময় অসি
অযুত, আগুয়ে তেজে পূরি বনরাজী!
টঙ্কারিলা ধনু ধনুর্ধর-দল বলী
রোষে; লোফে শূল শূলী,—হায়, ব্যগ্র সবে
মারিতে মরিতে রণে—যা থাকে কপালে!
ঘোর রবে পরজিলা গজ; হয়বৃহ^৭
মিশাইলা হেঘারব^৮ সে রবের সহ!
তনি সে ভীষণ স্বন দনুজ দুর্গতি
হীনবীৰ্য্য হয়ে ভয়ে প্রমাদ গলিল
অমরারি, যথা তনি খগেন্দ্রের ধনি,
দ্রিয়মাণ নাগকুল অতল পাতালে!

হেন কালে আচরিতে আসি উতরিলা
কাম্যবনে নারদ, দীদিব রবি যেন
দ্বিতীয়। হরষে বন্দি দেব-ঋষিবরে,
কহিলেন হাসি ইন্দ্র—দেবকুলপতি—
“কি কারণে এ নিবিড় কাননে নারদ
তপোধন, আগমন তোমার গো আজি?
দেখ চারি দিকে, দেব, নিরীক্ষণ করি
ক্ষণকাল; খরতর-করবাল^৯-আভা,
হবির্কর্ক নহে যাহে উজ্জ্বল এ স্থলী;—
নহে যজ্ঞধুম ও,—ফলক সারি সারি
সুবর্ণমণ্ডিত,—অগ্নিশিখাময় যেন
ধূমপুঞ্জ, কিম্বা মেঘ,—ভড়িত-ভড়িত।”
আশীষি দেবেশে, হাসি দেব-ঋষিবর
নারদ, উত্তরহলে কহিলা কৌতুকে;—
“তোমা সম, শচীপতি, কে আছে গো আজি

২৫ সমুদ্রমহ্মনের পৌরণিক প্রসঙ্গের উল্লেখ।

১ যুধিষ্ঠিরের সশরীরে স্বর্গগমনের মহাভারতীয় কাহিনীর উল্লেখ।

২ অগস্ত্যের বিদ্যাশাসনের পৌরণিক কাহিনীর উল্লেখ।

৩ বর্ম।

৪ অগ্নি। ৫ অর্জুন কর্তৃক পাণ্ডবদহনের মহাভারতীয় কাহিনীর উল্লেখ।

৬ কৃষ্ণের শত্রু, পাঞ্চজন্য নামক অসুরের অস্থিতে নির্মিত।

৭ নারায়ণ বামনবতারে বলিকে দমন করেছিলেন। পৌরণিক কাহিনীর উল্লেখ।

৮ অম্বকুল। ৯ কবি হেয়াকে সর্বত্র হেয়া লিখেছেন। ১০ তরবারি।

তাপস? যে কাল-অগ্নি জ্বালি চারি দিকে
বসিয়াছে তপে, দেব, দেখি কাঁপি আমি
চিরতপোবনবাসী! অবশ্য পাইবে
মনোনীত বর তুমি; রিপুধ্বয় তব
ক্ষয় আজি, সহস্রাঙ্ক, কহিনু তোমাতে।”

সুধিলা সুরসেনানী সুমধুর স্বরে
অগ্রসরি;— “কৃপা করি কহ, মুনিবর,
ভ্রাতৃভেদ ভিন্ন অন্য পথ কি কারণে
রুদ্ধ শমনের পক্ষে নাশিতে দানব-
দল-ইন্দ্র সুন্দ উপসুন্দ মন্দমতি?
যে দল্লোলি তুলি করে, নাশিলা সমরে
বৃজাসুরে সুরপতি; যে শরে তারকে
সংহারিনু রণে আমি;—কিসের কারণে
নিরন্ত সে সব অস্ত্র এ দোহার কাছে?
কার বরবলে, প্রভু, বলী দিতি-সুত?”

উত্তর করিলা তবে দেবর্ষি নারদ;—
“ভক্ত-বৎসল যিনি, তাঁর বলে বলী
দৈত্যদ্বয়। তন দেব, অপূর্ব কাহিনী।
হিরণ্যকশিপু দৈত্য, যাহারে নাশিলা
চরুপানি নরসিংহ-রূপে,^{১১} তার কুলে
জন্মিল নিকুন্ড নামে সুরপুররিপু,
কিছু, বজ্রি, তব বজ্র-ভয়ে সদা ভীত
যথা গরুড়ানু শৈল।^{১২} তার পুত্র দোহে
সুন্দ উপসুন্দ—এবে ভুবন-বিজয়ী।
এই বিজ্ঞাচলে আসি ভাই দুই জন
করিল কঠোর তপঃ ধাতার উদ্দেশে
বহুকাল। তপে তুষ্ট সদা পিতামহ;
“বর মাগ” বলি আসি দরশন দিলা।
যথা সরঃসুগুপত রবি দরশনে
প্রফুল্লিত, বিরিজিরে হেরি দৈত্যদ্বর
করযোড়ে মৃদুস্বরে কহিতে লাগিল;—
“হে ধাতঃ, হে বরদ, অমর কর, দেব,
আমা দোহে! তব বর-সুধাপান করি,
মৃত্যুঞ্জয় হব, প্রভু, এই ভিক্ষা মাগি।”
হাসি কহিলেন তবে দেব সনাতন
অজ, —“জানো মৃত্যু, দৈত্য। দিবস রজনী—
এক যায় আর আসে,—সৃষ্টির বিধান।
অন্য বর মাগ, বীর, যাহা দিতে পারি।”

“তবে যদি,”—উত্তর করিল দৈত্যদ্বয়—
“তবে যদি অমর না কর, পিতামহ,
আমা দোহে, দেহ ভিক্ষা, তব বরে যেন
ভ্রাতৃভেদ ভিন্ন অন্য কারণে না মরি।”
“ওম্” বলি বর দিলা কমল-আসন।
একপ্রাণ দুই ভাই চলিল স্বদেশে
মহানন্দে। যে যেখানে আছিল দানব,
মিলিল আসিয়া সবে এ দোহার সাথে,
পর্বত-সদন ছাড়ি যথা নদ যবে
বাহিরায় হুহুকারি সিঁদু-অভিমুখে
বীরদর্পে, শত শত জল-স্রোত আসি
মিশি তার সহ, বীর্ঘ্য বৃদ্ধি তার করে।—

এইরূপে মহাবলী নিকুন্ড-নন্দন-
যুগ, বাহু-পরাক্রমে লভিয়াছে এবে
স্বর্গ; কিন্তু তুরা নষ্ট হবে দুষ্টমতি।”
এতক কহিয়া তবে দেবর্ষি নারদ
আশীষিয়া দেবদলে, বিদায় মাগিয়া,
চলি গেলা ব্রহ্মপুরে ধাতার সদনে।
কাম্যবনে সৈন্য সহ দেবেন্দ্র রহিলা,
যথা সিংহ, হেরি দূরে বারণ-ঈশ্বরে,
নিবিড় কানন মাঝে পশি সাবধানে,
একদৃষ্টে চাহে বীর ব্যগ্রচিত্ত হয়ে
তার পানে। এই যতে রহিলেন যত
দেববৃন্দ কাম্যবনে বিষ্ণুর কন্দরে।

হেথা মীনধ্বজ^{১৩} সহ মীনধ্বজ রথে,
বসন্ত-সারথি—রথে চলিলা সুন্দরী
দেবকুল-আশালতা। অতি-মন্দগতি,
চলিল বিমান শূন্যপথে, যথা ভাসে
স্বর্ণবর্ণ মেঘবর, অম্বর-সাগরে
যবে অস্ত্রচল-চূড়া উপরে দাঁড়িয়ে
কমলিনী পানে ফিরে চাহেন ডাক্তর
কমলিনী-সখা। যথা সে ঘনের সনে
সৌদামিনী, মীনধ্বজে তেমনি বিরাজে
অনুপমা রূপে বামা—ভুবন-মোহিনী।
যথায় অচলদেশে দেব-উপবনে
কেলি করে সুন্দন উপসুন্দ মহাবলী
অমরারি, তিন জন তথায় চলিলা।

হেরি কামকেতু দূরে, বসুধা সুন্দরী,

আইলা বসন্ত জানি, কুসুম-রতনে
সাজিলা; সুবৃক্ষপাথে সুখে পিকদল
আরম্ভিল কলধ্বরে মদন-কীর্তন।
মুঞ্জরিল কুঞ্জবন, গুঞ্জরিল অলি
চারি দিকে; স্বনহনে মন্দ সমীরণ,
ফুলকুল-উপহার সৌরভ লইয়া,
আসি সজ্জাখিল সুখে ঋতুবংশ-রাজে।
“হে সুন্দরি”—মৃদু হাসি মদন কহিলা—
“ভীক, উনীলিয়া আঁখি,—নলিনী যেমনি
নিশা অবসানে মিলে কমল-নয়ন—
চেয়ে দেব চারি দিকে; তব আগমনে
সুখে বসন্তের সখী বসুন্ধরা সতী
নানা আভরণে সাজি হাসেন কামিনী,
নববধূ বরিবারে কুলনারী যথা।
তাজি রথ চল এবে-ওই দৈত্যবন।
যাও চলি, সুহাসিনি, অভয় হৃদয়ে।
আত্মরীক্ষে রক্ষা হেতু ঋতুরাজ সহ
ধাক্কি ব তোমার সঙ্গে; রথে যাও চলি,
যথায় বিরাজে দৈত্যদ্বয়, মধুমতি।”

প্রবেশিলা কুঞ্জবনে কুঞ্জর-গামিনী
তিলোত্তমা, প্রবেশয়ে বাসরে যেমতি
শরমে, ভয়ে কাতরা নবকুল-বধূ
লজ্জাশীলা। মৃদুগতি চলিলা সুন্দরী
মুহূর্হুঃ চাহি চারি দিকে, চাহে যথা
অজানিত ফুলবনে কুরঙ্গিনী; কত
চমকে রমণী তনি নৃপুরের ধনি;
কত মরমর পাতাকুলের মর্ষরে;
মলয়-নিবাসে কত; হায় রে, কত বা
কোকিলের কুহুরবে! গুঞ্জরিলে অলি
মধু-লোভী, কাঁপে বামা, কমলিনী যথা
পবন-হিল্লোলে! এইরূপে একাকিনী
ভ্রমিতে লাগিলা ধনী গহন কাননে।
সিহরিল বিজ্ঞাচল ও পদ-পরশে,
সন্মোহন-বাণাঘাতে যোগীন্দ্র যেমতি
চন্দ্রচূড়!^{১৪} বনদেবী—যথায় বসিয়া
বিরলে, গাঁথিতেছিল ফুল-রত্ন-মালা,
(বরগুঞ্জমালা যথা গাঁথে ব্রজাসনা
দোলাইতে কুঞ্জবিহারীর বরগলে)—
হেরি সুন্দরীরে, তুরা অলকান্ত^{১৫} তুলি,

রহিলেন একদৃষ্টে চাহি তার পানে
তথায়, বিশ্বয় সাক্ষী মানি মনে মনে।
বনদেব—তপস্বী—মুদিল আঁখি, যথা
হেরি সৌদামিনী ঘনপ্রিয়ায় গগনে
দিনমণি। মৃগরাজ কেশরী সুন্দর
নিজ পৃষ্ঠাসন বীর সঁপিলা প্রণমি—
যেন জগদ্ধাত্রী আদ্যাশক্তি মহামায়ে!

ভ্রমিতে ভ্রমিতে দৃষ্টী—অতুলা জগতে
রূপে—উত্তরিল যথা বনরাজী মাঝে
শোভে সর, নভস্তল বিমল যেমতি।
কলকল স্বরে জল নিরন্তর ঝরি
পর্বত বিবর হতে, সৃজে সে বিরলে
জলাশয়। চারি দিকে শ্যাম তট তার
শত-রঞ্জিত কুসুমে। উজ্জ্বল দর্পণ
বনদেবীর সে সর—খচিত রতনে!
হাসে তাহে কমলিনী, দর্পণে যেমনি
বনদেবীর বদন! মৃদু মন্দ রবে
পবন-হিল্লোলে বারি উছলিছে কূলে।
এই সরোবর-তীলে আসি সীমন্তিনী
(ক্লাঙা এবে) বসিলা বিরামলাভ-লোভে,
রূপের আভায় আলো করি সে কানন।
ক্ষণকাল বসি বামা চাহি সর পানে
আপন প্রতিমা হেরি—আত্ম-মদে মাতি,
একদৃষ্টে তার দিকে চাহিতে লাগিলা
বিবশে!^{১৬} “এ হেন রূপ”—কহিলা রূপসী
মৃদু স্বরে—“কারো আঁখি দেখেছে কি কত?
ব্রহ্মপুরে দেখিয়াছি আমি দেবপতি
বাসব; দেবসেনানী; আর দেব যত
বীরশ্রেষ্ঠ; দেখিয়াছি ইন্দ্রাণী সুন্দরী;
দেব-কুল-নারী-কুল; বিদ্যাধরী-দলে;
কিন্তু কার তুলনা এ ললনার সহ
সাজে? ইচ্ছা করে, মরি, কায় মন দিয়া
কিঙ্করী হইয়া গুঁর সেবি পা দুখানি!
বুঝি এ বনের দেবী,—মোরে দয়া করি
দয়াময়ী—জল-তলে দরশন দিলা।”

এতক কহিয়া ধনী অমনি উঠিয়া
নমাইলা শির—যেন পূজার বিধানে
প্রতিমূর্তি প্রতি; সেও শির নমাইল!
বিশ্বয় মানিয়া বামা কৃতাজলিপুটে

১১ নৃসিংহ অবতারে বিষ্ণুর হিরণ্যকশিপু বিনাশের পৌরাণিক কাহিনীর উল্লেখ।

১২ পক্ষবান পর্বত অর্থাৎ মৈনাক। ১৩ কামদেব।

১৪ মহাদেবের মদনতন্ত্রের পৌরাণিক প্রসঙ্গের উল্লেখ। এই বাক্যটির উপরে কালিদাসের ‘ই : পরিলুপ্তার্থ’ হরের
বর্ণনার প্রত্যক্ষ প্রত্যয় অনুভব করা যায়। ১৫ কেশতন্ত্রের প্রস্তাব। ১৬ বিবশ—অবশ, বিহবল।

মৃদু স্বরে সুধিলা—“কে তুমি হে রমণি?”
আচরিতে “কে তুমি? কে তুমি, হে রমণি—
হে রমণি?” এই ধ্বনি বাজিল কাননে।
মহা ভয়ে ভীতা দৃষ্টী চমকি চাহিলা
চারি দিকে। হেন কালে হাসি সকৌতুকে,
মধু সহ রতি-বঁধু আসি দেখা দিলা।

“কাহারে ডরাও তুমি, ভুবন-মোহিনি?”
(কহিলেন পুষ্পধন) “এই দেখ আমি
বসন্ত-সামন্ত সহ আছি, সীমন্তিনি,
তব কাছে। দেখিছ যে বামা-মূর্তি জলে,
তোমারি প্রতিমা, ধনি; ওই মধুধ্বনি,
তব ধ্বনি প্রতিধ্বনি শিখি নিনাদিছে।
ও রূপ-মাধুরী হেরি, নারী তুমি যদি
বিবশা এত, রূপসি, ভেবে দেখ মনে
পুরুষকুলের দশা! যাও তুরা করি;—
অদূরে পাইবে এবে দেবারি দানবে!”

ধীরে ধীরে পুনঃ ধনী মরালগামিনী
চলিলা কানন-পথে। কত স্বর্ণ-লতা
সাধিল ধরিয়া, আহা, রাঙা পা দুখানি,
ধাকিতে তাদের সাথে; কত মহীকুহ,
মোহিত মদন-মদে, দিলা পুষ্পাঞ্জলি;
কত যে মিনতি স্তুতি করিলা কোকিল
কপোতীর সহ; কত গুণ গুণ করি
আরাধিল অলি-দল,—কে পারে কহিতে?
আপনি ছায়া সুন্দরী—ভানুবিলাসিনী—
তরুমূলে, ফুল ফর ডালায় সাজায়ে,
দাঁড়াইলা—সখীভাবে বরিতে বামারে;
নীরবে চলিলা সাথে সাথে প্রতিধ্বনি;
কলরবে প্রবাহিনী—পর্বত-দুহিতা—
সম্বোধিলা চন্দ্রাননে; বনচর যত
নাচিল হেরিয়া দূরে বন-শোভিনীকে,
যথা, রে দণ্ডক, তোর নিবিড় কাননে,
(কত যে তপস্যা তোর কে পারে বুঝিতে?)
হেরি বৈদেহীকে—রঘুরঞ্জন-রঞ্জিনী! ১৭
সাহসে সুরভি বায়ু, ত্যজি কুবলয়ে,
মুহূর্মুহঃ অলকান্ত উড়াইয়া কামী
চুহিলা বদন-শশী! তা দেখি কৌতুকে
অন্তরীক্ষে মধু সহ বদন হাসিলা!—
এইরূপে ধীরে ধীরে চলিলা রূপসী।

আনন্দ-সাগরে মগ্ন দিতিসুত আজি
মহাবলী। দৈববলে দলি দেব-দলে—
বিমুখি অমরনাথে সম্মুখ-সমরে,
অমিতেছে দেববনে দৈত্যকুলপতি।
কে পারে আঁটিতে দোহে এ তিন ভুবনে?
লক্ষ লক্ষ রথ, রথী, পদাতিক, গজ,
অশ্ব; শত শত নারী—বিশ্ব-বিনোদিনী,
সঙ্গে সঙ্গে করে কেলি নিকুন্ত-নন্দন
জয়ী। কোন স্থলে নাচে বীণা বাজাইয়া
তরুমূলে রামাকুল, ব্রজবালা যথা
শুনি মুরলীর ধ্বনি কদম্বের মূলে। ১৮
কোথায় গাইছে কেহ মধুর সুবরে।
কোথায় বা চর্য্য, চোষ্য, লেহ্য, পেয় রসে
ভাসে কেহ। কোথায় বা বীরমদে মাতি,
মল্ল সহ যুঝে মল্ল ক্ষিতি টলমলি।
বারণে বারণে রণ—মহা ভয়ঙ্কর,
কোন স্থলে। গিরিচূড়া কোথায় উপড়ি,
হুহুকারি নভস্তলে দানব উড়িছে
ঝড়ময় উথলিয়া অম্বর-সাগর—
যথা উথলয়ে সিদ্ধি হুন্দি তিমিঞ্জিল ১৯
মীনরাজ—কোলাহলে পুরিয়া গগন।
কোথায় বা কেহ পশি বিমল সলিলে,
প্রমদা সহিত কেলি করে নানা মতে
উন্মদ মদন-শরে। কেহ বা কুটীরে
কমল-আসনে বসে প্রাণসখী লয়ে,
অলঙ্কারি কর্ণমূল কুবলয়-দলে।
রাশি রাশি অসি শোভে দিবাকর-করে
উদগীরি পাবক যেন। ঢাল সারি সারি—
যথা মেঘপুঞ্জ—ঢাকে সে নিকুঞ্জবন।
ধনু, ভূণ অগণ্য; ত্রিশূলাকার শূল
সর্বভেদী। তা সবার নিকটে বসিয়া
কথোপকথনে রত বোধ শত শত।
যে যারে সমরক্ষেত্রে প্রচণ্ড আঘাতে
বিমুখিল, তার কথা কহে সেই জন।
কেহ কহে—সেনানীর কাটিনু কবচ;
কেহ কহে—মারি গদা ভীম যমরাজে
খেদাইনু; কেহ কহে—ঐরাবত-ভঁড়ে
চোক্ চোক্ হানি শর অীহুরিনু তারে।
কেহ বা দেখায় দেব-আভরণ; কেহ

দেব-অস্ত্র; দেব-বস্ত্র আর কোন জন।
কেহ দুই তুট হয়ে পরে নিজ শিরে
দেবরথী-শিরচূড়।—এইরূপে এবে
বিহরণে দৈত্য-দল—বিজয়ী সমরে।
হে বিভো, জগতযোনি, দয়াসিদ্ধি তুমি;
তাই ভবিতব্যো, দেব, রাখ গো গোপনে!
কনক-আসনে বসে নিকুন্ত-নন্দন
সুন্দ উপসুন্দাসুর। শিরোপরি শোভে
দেবরাজ-ছত্র, তেজে আদিত্য-আকৃতি।
বীতিহোত্র ২০ মূর্তি বীর বেড়ে শত শত
দৈত্যদ্বয়ে ঋক্মকি বীর-আভরণে,
বীর-বীর্ঘ্যে পূর্ণ সবে, কালকূটে যথা
মহোরণ। বসে দোহে কনক-আসনে
পারিজাত-মালা গলে, অনুপম রূপে,
হায় রে, দেবেশ্র যথা দেবকুল-মাঝে।
চারি দিকে শত শত দৈত্য-কুল-পতি
নানা উপহার সহ দাঁড়ায় বিনত-
ভাবে, সুগ্রসন্ন মুখে প্রশংসি দুজনে,
দৈত্য-কুল-অবতংস! দূরে নৃত্য-করী
নাচে, নাচে তারাবলী যথা নভস্তলে
স্বর্ণময়ী। বন্দে বন্দী মহানন্দ মনে,—
“জয়, জয়, অমরারি, যার ভূজ-বলে
পরাজিত আদিত্যে দিতিসুত-রিপু
বন্দী! জয়, জয়, বীর, বীর-চূড়ামণি,
দানব-কুল-শেখর! যার প্রহরণে,—
করী যথা কেশরীর প্রচণ্ড আঘাতে
ত্যজি বন যার দূরে,—স্বরীশ্বর আজি,
ত্যজি স্বর ২১, বিশ্বধামে অমিতে একাকী
অনাথ! হে দৈত্য-কুল, উজ্জ্বল গো এবে
তুমি! হে দানব-বালা, হে দানব-বধু,
কর গো মঙ্গল-ধ্বনি দানব-ভবনে!
হে মহি, হে মহীতল, তুমিও, হে দিব,
আনন্দ-সাগরে আজি মজ্জ, ত্রিকুবন!
বাজাও মদন রঙ্গে, বীণা, সগুহরা—
দুন্দুভি, দামামা, শুল, ভেরী, তুরী, বাঁশী,
শঙ্খ, ঘণ্টা, ঝাঁঝরী। বরিষ ফুল-ধারা!
কল্লুরী, চন্দন আন, কেশর, কুমকুম!
কে না জানে দেব-বংশ পর-হিংসাকারী?

কে না জানে দুইমতি ইন্দ্র সুরপতি
অসুরারি? নাচ সবে তার পরাভবে,
মড়ক ছাড়িলে পুরী পৌরজন যথা।”
মহানন্দে সুন্দ উপসুন্দাসুর বলী
অমরারি, তুমি যত দৈত্যকুলেশ্বরে
মধুর সম্বোধে, এবে, সিংহাসন ত্যজি
উঠিলা,—কুসুমবনে ভ্রমণ প্রয়াসে,
একপ্রাণ দুই ভাই—বাগর্ঘ্য যেমতি।
“হে দানব,” আরঙিলা নিকুন্ত কুমার
সুন্দ,—“বীরদলশ্রেষ্ঠ, অমরমর্দন, ২২
যার বাহ পরাক্রমে লভিয়াছি আমি
ত্রিদিব-বিভব; তন, হে সুরারি রথী-
বাহ, যার যাহা ইচ্ছা, সেই তাহা কর।
চিরবাদী রিপু এবে জিনিয়া বিবাদে
ঘোরতর পরিশ্রমে, আরাম সাধনে
মন রত কর সবে।” উল্লাসে দনুজ, ২৩
শুনি দনুজেন্দ্র-বাণী, অমনি নাদিল।
সে ভৈরব-রবে ভীত আকাশ সম্বা
প্রতিধ্বনি পলাইলা রড়ে; মূর্ছ্য পায়ে
খেচর, ভুচর সহ, পড়িল ভূতলে।
ধরথরি গিরিবর বিদ্য মহামতি
কাঁপিলা, কাঁপিলা ভয়ে বসুধা সুন্দরী।
দূর কাম্যবনে যথা বসেন বাসব,
শুনি সে ঘোর ঘর্ঘর, ত্রুত হয়ে সবে,
নীরবে এ ঊর পানে লাগিলা চাহিতে।
চারি দিকে দৈত্যদল চলিলা কৌতুকে,
যথা শিলীমুখ-বৃন্দ, ছাড়ি মধুমতী-
পুরী ২৪ উড়ে ঝাঁকে ঝাঁকে আনন্দে গুঞ্জরি
মধুকালে, মধুতৃষা তুষিতে কুসুমে।
মজ্জ কুঞ্জ বামলজরঞ্জন দুজন
ভ্রমিলা, অশ্বিনী-পুত্র-যুগ ২৫ সম রূপে
অনুপম; কিম্বা যথা পঞ্চবটী-বনে
রাম রামানুজ,—যবে মোহিনী রাক্ষসী
সূর্ণপথা হেরি দোহে, মাতিল মদনে! ২৬
অমিতে অমিতে দৈত্য আসি উতরিলা
যথায় ফুলের মাঝে বসি একাকিনী
তিলোত্তমা। সুন্দ পানে চাহিয়া সহসা
কহে উপসুন্দাসুর,—“কি আচর্য্য, দেখ—

২০ অগ্নি, সূর্য। ২১ স্বর্ণ। ২২ দেবতাদের যারা পরাজিত করেছে। ২৩ দৈত্য।

২৪ মধুমতীপুরী—মৌচাক। ২৫ অশ্বিনীকুমারদ্বয় নামে পরিচিত যমজ দেবতা। তাঁরা স্বর্ণের চিকিৎসক।

২৬ সূর্ণপথার রামলক্ষ্মণের নিকট প্রণয় নিবেদনের উল্লেখ।

১৭ দণ্ডক কাননে সীতা-রামের বাস-প্রসঙ্গের রামায়ণী কথার উল্লেখ। ১৮ ব্রজলীলার উল্লেখ।

১৯ সামুদ্রিক জন্তু যা তিমিকেও গিলে খায়। পৌরাণিক বিশ্বাস।

দেখ, ভাই, পূর্ণ আজি অপূর্ণ সৌরভে
বনরাজী! বসন্ত কি আবার আইল?
আইস দেখি কোন ফুল ফুটি আমোদিছে
কানন?" উত্তরে হাসি সুন্দাসুর বলী,—
"রাজ-সুখে সুখী প্রজা; তুমি আমি, রথি,
সঙ্গার বসুধারে দেবালয় সহ
ভুজবলে জিনি, রাজা; আমাদের সুখে
কেন না সুখিনী হবে বনরাজী আজি?"

এইরূপে দুই জন ভ্রমিলা কৌতুকে,
না জানি কালরূপিণী ভুজঙ্গিনী রূপে
ফুটিছে বনে সে ফুল, যার পরিমলে
মত্ত এবে দুই ভাই, হায় রে, যেমতি
বকুলের বাসে অলি মত্ত সধুলোভে!

বিরাজিছে ফুলকুল-মাঝে একাকিনী
দেবদুতী, ফুলকুল-ইন্দ্রাণী যেমতি
নলিনী! কমল-করে আদরে রূপসী
ধরে যে কুসুম, তার কমলীয় শোভা
বাড়ে শতগুণ, যথা রবির কিরণে
মণি-আভা! একাকিনী বসিয়া ভাবিনী,
হেন কালে উতরিলা দৈত্যদ্বয় তথা।

চমকিলা বিধুমুখী দেখিয়া সম্মুখে
দৈত্যদ্বয়ে, যথা যবে ভোজরাজবালা
কুন্তী, দুর্কাসার মস্ত জপি সুবন্দা,
হেরিলা নিকটে হেম-কিরীটি ভাস্করে! ২৭
বীরকুল-চুড়ামণি নিকুঞ্জ-নন্দন
উভে; ইন্দ্রসম রূপ-অতুল ভুবনে।

হেরি বীরদ্বয়ে ধনী বিশ্বয় মানিয়া
একদৃষ্টে দৌহা পানে লাগিলা চাহিতে,
চাহে যথা সূর্য্যামুখী সে সূর্য্যের পানে।

"কি আশ্চর্য্য! দেখ, ভাই," কহিল শূরেন্দ্র
সুন্দ; "দেখ চাহি, ওই নিকুঞ্জ-মাঝারে।
উজ্জ্বল এ বন বুঝি দ্যাবাগ্নিশিখাতে
আজি; কিম্বা ভগবতী আইলা আপনি
গৌরী! চল, যাই তুরা, পূজি পদযুগ!
দেবীর চরণ-পদ্ম-সঙ্গে ২৮ যে সৌরভ
বিরাজে, তাহাতে পূর্ণ আজি বনরাজী।"

মহাবেগে দুই ভাই ধাইলা সকাশে
বিবশ। অমনি মধু, মন্থুখে সজ্জাধি,

মুদু স্বরে ঋতুবর কহিলা সত্বরে;—
"হান, তব ফুল-শর, ফুল-ধনু ধরি,
ধনুধর, যথা বনে নিষাদ, পাইলে
মৃগরাজে।" অন্তরীক্ষে থাকি রতিপতি,
শরবৃষ্টি করি, দৌহে অস্থির করিলা,
মেঘের আড়ালে পশি মেঘনাদ যথা
প্রহারয়ে সীতাকান্ত উর্ধ্বলাবল্লভে! ২৯

জর জর ফুলশরে, উভয়ে ধরিলা
রূপসীরে। আচ্ছন্নিল গগন সহসা
জীমূত! শোণিতবিন্দু পড়িল চৌদিকে!
ঘোষিল নির্য্যোষে ঘন কালমেঘ দূরে;
কাঁপিলা বসুধা; দৈত্য-কুল-রাজলক্ষ্মী,
হায় রে, পুরিলা দেশ হাহাকার রবে!

কামমদে মত্ত এবে উপসুন্দাসুর
বলী, সুন্দাসুর পানে চাহিয়া কহিলা
রোষে; "কি কারণে তুমি স্পর্শ এ বামারে,
ভ্রাতৃবধু তব, বীর?" সুন্দ উত্তরিল—
"বরিনু কন্যায় আমি তোমার সম্মুখে
এখনি! আমার ভার্য্যা গুরুজন তব;
দেবর বামার তুমি; দেহ হাত ছাড়ি।"

যথা প্রজ্বলিত অগ্নি আহুতি পাইলে
আরো জ্বলে, উপসুন্দ—হায়, মন্দমতি—
মহা কোপে কহিল—"রে অধর্ম্ম-আচারি,
কুলাঙ্গার, ভ্রাতৃবধু, মাতৃসম মানি,
তার অঙ্গ পরশিস্ অনঙ্গ-পীড়নে?"

"কি কহিলি, পামর? ৩০ অধর্ম্মচারী আমি!
কুলাঙ্গার! ধিক্ তোরে, ধিক্, দুষ্টমতি,
পাপি! শূণ্যের আশা কেশরীকামিনী
সহ কেলি করিবার, — ওরে রে বর্ব্বর!"

এতক কহিয়া রোষে নিকোষিলা আসি
সুন্দাসুর, তা দেখিয়া বীরমদে মাতি,
হুহুকারি নিজ অস্ত্র ধরিলা অমনি
উপসুন্দ,— গ্রহ-দোষে বিগ্রহ-প্রয়াসী।
মাতঙ্গিনী-প্রেম-লোভে কামার্ত্ত যেমতি
মাতঙ্গ যুঝয়ে, হায়, গহন কাননে
রোষাবেশে, ঘোর রণে কুক্ষণে রণিলা
উভয়, ভুলিয়া, মরি, পূর্ব্বকথা যত।
তমঃসম জ্ঞান-রবি সতত আবরে

বিপত্তি! দৌহার অস্ত্রে ক্ষত দুই জন,
ভিত্তি ক্ষিত্তি রক্তস্রোতে, পড়িলা ভূতলে।
কতক্ষণে সুন্দাসুর চেতন পাইয়া,
কাতরে কহিল চাহি উপসুন্দ পানে;
"কি কর্ম করিনু, ভাই, পূর্ব্বকথা ভুলি?
এত যে করিনু তপঃ ধাতায় তৃষিতে;
এত যে যুঝিনু দৌহে বাসবের সহ;
এই কি তাহার ফল ফলিল হে শেষে?
বালিবন্ধে সৌধ, হায়, কেন নির্ঝাইনু
এত যত্নে? কাম-মদে রত যে দুর্মতি,
সতত এ গতি তার বিদিত জগতে।
কিন্তু এই দুঃখ, ভাই, রহিল এ মনে—
রণক্ষেত্রে শত্রু জিনি, মরিনু অকালে,
মরে যথা মৃগরাজ পড়ি ব্যাধ-ফাঁদে।"

এতক কহিয়া, হায়, সুন্দাসুর বলী,
বিষাদে নিঃশ্বাস ছাড়ি, শরীর ত্যজিলা
অমরারি, যথা, মরি, গান্ধারীনন্দন,
নরশ্রেষ্ঠ, কুরুবংশ ধ্বংস গণি মনে,
যবে ঘোর নিশাকালে অশ্বখামা রথী
পাণ্ডব-শিশুর শির দিলা রাজহাতে! ৩১

মহা শোকে শোকী তবে উপসুন্দ বলী
কহিলা; "হে দৈত্যপতি, কিসের কারণে
লুটায় শরীর তব ধরণীর তলে?
উঠ, বীর, চল, পুনঃ দলিলে সমরে
অমর! হে শূরমণি, কে রাখিবে আজি
দানব-কুলের মান, তুমি না উঠিলে?
হে অগ্রজ, ডাকে দাস চির অনুগত
উপসুন্দ; অস্ত্র দোষে দোষী তব পদে
কিন্দর; ক্ষমিয়া তারে, হে বাসবজয়ি,
লয়ে এ বামারে, ভাই, কেলি কর উঠি!"

এইরূপে বিলাপিয়া উপসুন্দ রথী,
অকালে কালের হস্তে প্রাণ সমর্পিলা
কর্ম্মদোষে। শৈলাকারে রহিলা দুজনে
ভূমিতলে, যথা শৈল—নীরব, অচল।

সমরে পড়িল দৈত্য। কন্দর্প অমনি
দর্পে শঙ্খ ধরি ধরি নাদিলা গজীরে।

বহি সে বিজয়নাদ আকাশ-সম্বা
প্রতিধ্বনি, রড়ে ধনী ধাইলা আভগা
মহারঙ্গে। তুঙ্গ শৃঙ্গে, পর্ব্বতকন্দরে,
পশিল স্বর-তরঙ্গ। যথা কাম্যাবনে
দেব-দল, কতক্ষণে উতরিলা তথা
নিরাকারা দুতী। "উঠ," কহিলা সুন্দরী,
"শীঘ্র করি উঠ, ওহে দেবকুলপতি!
ভ্রাতৃভেদে ক্ষয় আজি দানব দুর্জয়।"

যথা অগ্নি-কণা-স্পর্শে বারুদ-কণিক-
রাশি, ইরশ্মদরূপে, উঠয়ে নিমিষে
গরজি পবন-মার্গে, উঠিলা তেমতি
দেবসৈন্য শূন্যপথে! রতনে খচিত
ধ্বজদণ্ড ধরি করে, চিত্তরথ রথী
উন্নীলিলা দেবকৌতু কৌতুকে আকাশে।
শোভিল সে কেতু, শোভে ধুমকেতু যথা
তারশির,—তেজে ভষ্ম করি সুররিপু!
বাজাইল রণবাদ্য বাদ্যকর-দল
নিকুণে। চলিলা সবে জয়ধ্বনি করি।
চলিলেন বায়ুপতি, ঋগপতি যথা
হেরি দূরে নাগবৃন্দ—ভয়ঙ্কর গতি;
সাপটি প্রচণ্ড দণ্ড চলিলা হরষে
শমন; চলিলা পাশী; অলকার পতি,
গদা হস্তে; বর্ণরথে চলিলা বাসব,
ত্ৰিষায় জিনিয়া ত্ৰিষাপতি দিনমণি।
চলে বাসবীয় চমু ৩২ জীমূত যেমতি
ঝড় সহ মহারড়ে; কিম্বা চলে যথা
প্রমথনাথের সাথে প্রমথের কুল
নাশিতে প্রলয়কালে, ববধম রবে—
ববধম রবে যবে রবে শিলাধ্বনি! ৩৩

ঘোর নাদে দেবসৈন্য প্রবেশিল আসি
দৈত্যদেশে। যে যেখানে আছিল দানব,
হতাশ তরাসে কেহ, কেহ ঘোর রণে
মরিল। মুহূর্ত্তে, আহা, যত নদ নদী
প্রস্রবণ, রক্তময় হইয়া বহিল!
শৈলাকার শবরাশি গগন পরশে।
শকুনি গৃধিনী যত—বিকট মূরতি—

৩১ মহাভারতের দুর্ব্যোধনের মৃত্যুকাহিনীর উল্লেখ। ৩২ সৈন্য।

৩৩ ভারতচন্দ্রের

মহারত্ন রূপে মহাদেব সাজে।

ববধম ববধম শিলা ঘোর বাজে।

প্রকৃতি শিবের রক্তরূপ বর্ণনার সহিত তুলনীয়।

যুড়িয়া আকাশদেশ, উড়ে ঝাঁকে ঝাঁকে
মাংসলোভে। বায়ুসখা সুখে বায়ু সহ
শত শত দৈত্যপুত্রী লাগিলা দহিতে।
মরিল দানব-শিশু, দানব-বনিতা।
হায় রে, যে ঘোর বাত্যা দলে তরু-দলে
বিপিনে, নাশে সে মৃঢ় মুকুলিত লতা,
কুসুম-কাঞ্চন-কান্তি! বিধির এ লীলা।
বিলাপী বিলাপধ্বনি জয়নাদ সহ
মিশিয়া পুরিল বিশ্ব ভৈরব আরবে।
কত যে মারিলা যম কে পারে বর্ণিতে?
কত যে চূর্ণিলা, ভাঙ্গি তুঙ্গ শৃঙ্গ, বলী
প্রভঞ্জন;— তীক্ষ্ণ শরে কত যে কাটিলা
সেনানী; কত যে যুথনাথ গদাঘাতে
নাশিলা অলকানাথ; কত যে প্রচেষ্টা
পাশী; হায়, কে বর্ণিবে, কার সাধ্য এত?
দানব-কুল-নিধনে, দেব-কুল-নিধি
শচীকান্ত, নিতান্ত কাতর হয়ে মনে
দয়াময়, ঘোর রবে শঙ্খ নিনাদিলা
রণভূমে। দেবসেনা, ক্ষান্ত দিয়া রণে
অমনি, বিনতভাবে বেড়িলা বাসবে।
কহিলেন সুনাসীর ৩৪ গজীর বচনে;—
“সুন্দ-উপসুন্দাসুর, হে শূরেন্দ্র রথি,
অরি মম, যমালয়ে গেছে দৌড়ে চলি
অকালে কপালদোষে। আর কারে ডরি?
তবে বৃথা প্রাণহত্যা কর কি কারণে?
নীচের শরীরে বীর কভু কি প্রহারে
অস্ত্র? উচ্চ তরু—সেই ভঙ্গ ইরশ্বদে।
হাক্ চলি নিজালয়ে দিতিসূত যত।
বিষহীন ফণী দেখি কে মারে তাহারে?
আনহ চন্দকাষ্ঠ কেহ, কেহ ঘৃত;
আইস সবে দানবের প্রেতকর্ম করি

যথা বিধি। বীর-কুলে সামান্য সে নহে,
তোমা সবা যার শরে কাতর সমরে!
বিশ্বনাশী বজ্রাগ্নিরে অবহেলা করি,
জিনিল যে বাহু-বলে দেবকুলরাজে,
কেমনে তাহার দেহ দিবে সবে আজি
খেচর ভূচর জীব? বীরশ্রেষ্ঠ যারা,
বীরারি পৃথিতে রত সতত জগতে!”
এতক কহিলা যদি বাসব, অমনি
সাজাইলা চিতা চিত্ররথ মহারথী।
রাশি রাশি আনি কাষ্ঠ সুরভি, ঢালিলা
ঘৃত তাহে। আসি শুচি—সর্বশুচিকারী—
দহিলা দানব-দেহ। অনুমৃতা হয়ে,
সুন্দ-উপসুন্দাসুর-মহিষী রূপসী
গেলা ব্রহ্মলোকে,—দৌড়ে পতিপরায়ণা।
তবে তিলোত্তমা পানে চাহি সুরপতি
জিহ্বু, কহিলেন দেব মৃদু মন্দহরে;—
“তারিলে দেবতাকুলে অকুল পাথারে
তুমি; দলি দানবেন্দ্রে তোমার কল্যাণে,
হে কল্যাণি, স্বর্গলাভ আবার করিনু।
এ সুখ্যাতি তব, সতি, ঘৃষিবে জগতে
চিরদিন। যাও এবে (বিধির এ বিধি)
সূর্যালোকে; সুখে পশি আলোক-সাগরে,
কর বাস, যথা দেবী কেশব-বাসনা,
ইন্দুবদনা ইন্দ্রিরা—জলধির তলে।”
চলি গেলা তিলোত্তমা—তারকারা ধনী—
সূর্যালোকে। সুরসৈন্য সহ সুরপতি
অমরাপুরীতে হর্ষে পুনঃ প্রবেশিলা।

ইতি শ্রীতিলোত্তমাসম্বন্ধে কাব্যে বাসব-বিজয়ো নাম
চতুর্থ সর্গ।

